



2017. GODINE SDA I HDZ SMANJUJU PENZIJE



Vlada Fadila Novalića preko leđa radnika Krivaje ostvaruje interese stranačkih tajkuna

4. strana

Lažne reforme Fadila Novalića

Penzioni sistem koji prave SDA – SBB i HDZ pogoduje samo bogatim

Svi radnici koji sada imaju platu ispod 800 KM ne mogu imati penziju veću od 380 KM a to je devedeset posto zaposlenih u FBiH. Onih preostalih 10 posto privilegovanih koji imaju veće plate od 800 KM će imati i znatno veće penzije. Time se dugoročno kaznjavaju radnici iz tzv. realnog sektora, a nagrađuju prije svega oni koji sada rade u administraciji.

5. strana



Bolja saradnja između bosanskohercegovačkih i hrvatskih socijaldemokrata

U Zagrebu su se nedavno sastali novoizabrani predsjednik SDP Hrvatske Davor Bernardić i generalni sekretar SDP BiH Irfan Čengić, koji su razgovarali o dosadašnjoj i budućoj saradnji između ove dvije političke partie, koje pripadaju porodici Partije Evropskih Socijalista (PES).

6. strana



SDP nikada neće odustati od ideje jedinstvenog Mostara

SDP predlaže jedinstveni grad s tri općine, ali poprijeko Neretve, a ne uzduž. Sjever, Centar i Jug bi bile općine, ali nikako ne bi pratile ratnu liniju razgraničenja, od i do Bulevara, kao što žele HDZ i SDA.

6. strana



Prelomna pobjeda ZAVNOBiH-a u Parlamentu BiH

SDP BiH obavještava javnost da je na 39. sjednici Predstavničkog doma Parlamentarne skupštine Bosne i Hercegovine usvojen prijedlog dr. Denisa Bećirovića o afirmiranju zavnobihovskih vrijednosti i ustanovljenju nagrade ZAVNOBiH-a.

8. strana

Organizovana grupa unutar Vlade FBiH pokušava oštetići Federaciju za 7 miliona KM

9. strana

Forum mladih

Predstavljen projekat "Evropski plan za mlade"

20. strana



Socijaldemokratska stranka BiH postaje članica Socijalističke radničke partije Jugoslavije

Prvi (osnivački) kongres održan je od 20. do 23. aprila 1919. godine u Beogradu. Poznat je i pod imenom Kongres ujedinjenja, zbog toga što se više socijaldemokratskih partija i organizacija, nastalih prije Prvog svjetskog rata, ujedinilo u partiju komunističke provinijencije.

Pod uticajem Oktobarske revolucije i Mađarske Sovjetske Republike (21. mart – 2. avgust 1919) osnivane su ilegalne komunističke celije koje su za cilj imale pripremanje uslova za sličnu socijalističku revoluciju, koja se desila i u Mađarskoj.

Nakon rata, postepeno su se organizovala i glasila revolucionarnog radničkog pokreta, poput „Radničkih novina“ (kasnije „Oslobodenje“) u Splitu, „Glas slobode“ u Sarajevu, „Radničke novine“ u Beogradu, „Narodna volja“ u Požegi, „Radnička straža“ u Vukovaru i ostale.

Inicijativu za ujedinjenje radničkog pokreta (partija i sindikata) na platformi klasne borbe dala su u januaru 1919. godine rukovodstva socijaldemokratskih partija Srbije i Bosne i Hercegovine. Prihvativši mandat da sazove kongres za stvaranje Jugoslovenske socijalne demokratije, Uprava SDPS objavila je početkom februara 1919. godine da na Kongresu mogu učestvovati samo one organizacije i pojedinci koji su za klasnu borbu, odnosno koji su za napuštanje klasnu saradnju sa buržoazijom.

Akciji se pridružio Jugoslovenski komunistički savez pelagićevaca. Za ujedinjenje na platformi klasne borbe izjasnili su se lijeva grupa u Socijaldemokratskoj stranci Hrvatske i Slavonije, zatim dalmatinski socijališti na pokrajinskoj Konferenciji krajem marta, socijaldemokratske organizacije u slovenačkom primorju pod italijanskom okupacijom, do tada formirane ili obnovljene socijaldemokratske organizacije u Crnoj Gori i Makedoniji, socijaldemokratske organizacije Banata, Bačke i Baranje na Kongresu u Subotici 24. marta i socijaldemokrate iz redova Srba i Bunjevaca na kongresu Srpsko-bunjevačkog agitacionog odbora 13. aprila u Novom Sadu.

Za ujedinjenje su se izjasnili i sindikati u Srbiji, Bosni i Hercegovini, Vojvodini, Dalmaciji i sindikalne organizacije u Crnoj Gori i Makedoniji. Dogovoren je da se Kongres ujedinjenja sidikata održi isto kad i partijski Kongres.

Kongres ujedinjenja održan je u Beogradu od 20. do 23. aprila 1919. godine. Na Kongresu su učestvovala 432 delegata, koji su zastupali oko 130.000 organizovanih pripadnika radničkog pokreta iz svih krajeva Jugoslavije, osim Slovenije, gdje je vodstvo slovenačke Jugoslovenske socijalne demokratske stranke, uprkos kritici ministerijalizma koja se javljala u njenim redovima, uspjelo spriječiti učešće slovenačkih predstavnika.



SPOMEN PLOČA U ČAST VI KONGRESA SRPJ

Među delegatima Kongresa bili su i oni predstavnici reformističke struje socijaldemokratskog pokreta, koji su se prethodno izjasnili protiv ministerijalizma.


Smatrajući da je 1918. godine nacionalno pitanje u državnopravnom smislu riješeno, SRPJ(k) izjasnila se za jedinstvenu državu republikanskog oblika s lokalnom samoupravom oblasti, okruga i opština. „Rezolucija o agrarnom pitanju“ ograničavala se uglavnom na zahtjev za podjelu zemljoposjeda feudalnog porijekla bezemljašima i za ukidanje feudalnih odnosa. Bila je usvojena orientacija na klasni front industrijskog i agrarnog proletarijata, a ne na široko zasnovan savez radnika i seljaka.

Kongres je donio i rezoluciju kojom se protestuje protiv ukidanja građanskih sloboda i suzbijanja revolucionarnog radničkog pokreta u Jugoslaviji, kao i protiv kontrarevolucionarne uloge jugoslovenskih vlasti u odnosu prema sovjetskim republikama u Rusiji i Mađarskoj i njenih priprema da se pridruži vojnoj intervenciji protiv Mađarske Sovjetske Republike. Vlada Kraljevine SHS bila je pozvana da odmah i bezuslovno prizna i uspostavi prijateljske odnose sa sovjetskim republikama u Rusiji, Mađarskoj i Bavarskoj.

Prema Statutu usvojenom na Kongresu, SRPJ(k) bila je organizovana kao jedinstvena partija, a ne kao savez partija. Najviše rukovodeće organe činili su Kongres i Partijsko veće, kojem su bili potčinjeni svi ostali organi (Centralni i pokrajinski izvršni odbori, parlamentarna grupa i partijska štampa).

Tajnim glasanjem bilo je izabrano Partijsko vijeće od 31 člana i Centralni izvršni odbor od devet članova. Za sekretare su bili izabrani Filip Filipović i Živko Topalović, a za organizacionog sekretara Vladimir Čopić.

Kako se nova zajednička partija dijeli na pokrajinske odbore, tako je Socijaldemokratska stranka BiH postala Pokrajinski odbor SRPJ BiH.



Nermin Nikšić

BiH ne može postati zemlja jednakih, slobodnih i uspješnih ljudi bez jakog SDP-a

Poštovane drugarice i drugovi, članovi SDP-a BiH, ali i svi drugi koji čitaju i prate naše novine, želim Vam na isteku 2016. godine zahvaliti za doprinos svemu onome što je SDP uspio uraditi tokom ove godine.

Zajedno smo uspjeli na proteklim lokalnim izborima zaustaviti pad i započeli povratak povjerenja građana u SDP, te se nametnuli kao ključna opoziciona partija u BiH u ovom trenutku. Potpunu stabilizaciju, uspon i pobjedu našeg SDP-a, možemo osigurati jedino svojim zajedničkim radom i trudom. To smo dužni prema sebi, prema SDP-u, ali najviše prema državi BiH, koja, u to sam uvjeren, ne može postati zemlja jednakih, slobodnih i uspješnih ljudi bez jakog SDP-a. Uostalom svi smo mi Bošnjaci, Srbi, Hrvati, Bosanci, Hercegovci i ostali – braća i sestre. Braća i sestre po majci Bosni i Hercegovini, našoj domovini.

Protekla godina bila je jako teška za naše građane i državu BiH. Stalne krize vlasti usporile su ili potpuno zaustavile rješavanje ključnih životnih pitanja. Mladi u sve većem broju napuštaju BiH. Država je napadnuta nezakonitim i neustavnim referendumom i politikom koja gotovo pa više i ne bira sredstva ne bi li pokazala da ova zemlja nije moguća. Trenutna vlast u BiH koja je posvađana gotovo na svakom pitanju koje je bitno za budućnost BiH, ujedinjena je ipak u jednom.

Ujedinjena je u podjeli zemlje.

Zato je naš put u 2017. godini vrlo jasan. Moramo pokazati da se može vratiti nada i vjera u jedinstvenu i prosperitetnu državu.

Imamo obavezu sve svoje znanje, energiju i snagu iskoristiti u borbi protiv podjela i onih politika koje gledaju samo vlastiti i interes samoproglašene elite okupljene oko stranačkih lidera.

Samo je SDP u ovom trenutku politički snažan i dovoljno organiziran da u vremenu koje je pred nama vodi takvu borbu.

No, ne možemo i ne želimo sami.

Zato će u 2017. godini rukovodstvo SDP-a biti maksimalno angažованo na privlačenju novih snaga u taj blok koji će se boriti za jedinstvenu i prosperitetnu BiH.

Naša je obaveza stalno jačanje naše partije, a vjerujem da je najbolji put ka tome jačanje povjerenja u naše ljudi i našu politiku.

Mi nismo isti kakvi smo bili. Svjesni smo i svojih grešaka. Mijenjamo se. Popravljamo. I ono što je bilo dobro sigurno može bolje. Mladi ljudi i nova lica u SDP-u sve više učestvuju u kreiranju i vođenju naše politike. Ove nove snage u SDP-u kao i one koje su van partije, ali dijele iste vrijednosti, će dodatno ojačati ne samo SDP, već jedan progresivni blok koji će se boriti protiv nacionalizma, bijede, lopovluka, a sve u skladu sa temeljnim vrijednostima jednakosti, slobode i bratstva.

Antifašizam je ključna odrednica našeg djelovanja, a ZAVNOBiH platforma koja nudi odgovore na ključna pitanja koja opterećuju odnose među narodima i građanima BiH.

Ovo su principi u koje vjerujem i siguran sam da u njih vjeruje i najveći dio građana naše BiH.

Iako nam se čini kako to baš i nije tako, nas je puno više nego njih. Vjerujem da tiha većina građana ove zemlje također dijeli ove ideale. Naš je zadatak, zato, da probudimo ovu tihu većinu kako bi je glasna manjina čula i kako bi shvatila da ne može nastaviti voditi politiku kakvu vodi, a pogotovo ne može ostvariti ono što misli i želi jer ljudi u BiH to neće.

Zato nas u 2017. godini očekuje nastavak posla na građenju još jačeg SDP-a, privlačenju novih snaga i buđenju naših građana koji imaju snagu promijeniti stanje u kojem se nalazimo.

Želim Vam puno zdravlja i uspjeha u 2017. godini, uvjeren da ćemo dati nadu i vjeru svim građanima kako su ove vrijednosti dostižne, te se za njih itekako vrijedi boriti.



Vlada Fadila Novalića preko leđa radnika Krivaje ostvaruje interese stranačkih tajkuna

Bivši premijer Federacije BiH i predsjednik Socijaldemokratske partije BiH Nermin Nikšić prokomentarisao je krivičnu prijavu koju je protiv njega podnijelo Federalno ministarstvo energije, rудarstva i industrije, odnosno Vlada FBiH.

Istaknuo je da je prijava u vezi stanja u IP Krivaja d.o.o. Zavidovići, firme u stečaju, koju je podnijela Vlada Fadila Novalića drski pokušaj opravdavanja vlastite nesposobnosti, impotentnosti i nebrige za radnike.

“Ja sam ponosan na sve što smo moja Vlada i ja radili u vezi sa IP Krivaja Zavidovići. Moj jedini interes bio je da se proba sačuvati više od hiljadu radnih mesta u ovoj kompaniji koja je sistematski pljačkana gotovo dvije decenije od raznih SDA-ovih direktora i njihovih političkih sponzora iz Vlade FBiH i Vlade Zeničko-dobojskog kantona. O svemu tome Vlada FBiH je u mom mandatu podnijela niz krivičnih prijava koje nikada nisu procesuirane”, rekao je Nikšić, te je, radi interesa javnosti, dao sljedeće informacije:

1. Nije tačno da je Vlada FBiH raskinula ugovor o zajedničkom ulaganju sa firmom „Ferimpex“ d.o.o. Zavidovići kojim je osnovano privredno društvo „Krivaja 1884“, kako tvrde iz Vlade Fadila Novalića, već je ugovor jednostrano raskinut od strane predstavnika firme „Ferimpex“ d.o.o. Zavidovići, o čemu Fadil Novalić može vrlo lako pronaći podatke u arhivi Vlade FBiH.
2. Nije tačno kako je firma „Krivaja 1884“ „redovno izmirivala plaće radnicima i obaveze po osnovu doprinosa“, već je tačno da dug prema radnicima i fondovima iz ovog perioda iznosi oko 35 miliona maraka, što je utvrdila posebna komisija formirana od strane Vlade FBiH, a na temelju informacija iz Porezne uprave FBiH, te revizije poslovanja koju je provela revizorska kuća Dervi d.o.o. iz Jajca, a što Fadil Novalić može vrlo lako pronaći u arhivi Vlade FBiH ili jednostavnim pregledom vijesti o ovoj temi na internetu.
3. „Krivaja 1884“ d.o.o. nikada nije pravosnažno registrovana kao privredno društvo, jer je to više od tri godine osporavana pred nadležnim sudom u Zenici od strane grupe bivših radnika IP Krivaja d.o.o., na temelju čijeg zahtjeva je na kraju i otvoren stečajni postupak nad IP Krivaja d.o.o. Zavidovići. Dakle, stečaj je posljedica ovog zahtjeva, a ne raskida ugovora, što je također vidljivo iz niza izveštaja koji su dostupni u Vladi FBiH, a koje Fadil Novalić ne želi pročitati ili mu se ne dopada ono što u njima piše.
4. Postavlja se pitanje kako je firma „Krivaja 1884“, osnovana u mandatu i od strane Vlade koju je vodio SDA i kojoj su iz budžeta FBiH dati milioni maraka, uopšte radila i poslovala kada nije bila registrovana? To uostalom tvrde i pravni zastupnici firme „Ferimpex“ u sporu protiv Vlade FBiH kao argument da oni ne moraju da plate dug od 35 miliona KM jer, kao firma, nisu ni postojali?! Da Fadil Novalić i sadašnji članovi Vlade FBiH čitaju izveštaje Vladinih institucija i tijela znali bi za ove informacije. Umjesto toga oni iznose neistine, očito sračunate kako bi se naštetilo interesima FBiH u sporu protiv firme „Ferimpex“, a što sigurno ima obilježja ozbiljnog krivičnog djela.
5. U periodu između raskida ugovora sa „Ferimpex“-om i otvaranja stečajnog postupka, IP Krivaja d.o.o. je nekoliko mjeseci djelovala kao firma u stopotnom vlasništvu Vlade FBiH i Vlada je u tom periodu imenovala privremeni Nadzorni odbor, koji je za v.d. direktora imenovao gosp. Suvada Džindu.
6. Po otvaranju stečajnog postupka predstavnici Vlade FBiH, Sindikata „IP Krivaja“ i nekoliko stečajnih upravnika, koji su obavljali tu poziciju u tom periodu, uz učešće stečajnog sudije, vodili su brojne razgovore nastojeći pronaći rješenje za spas firme koja je u tom trenutku zapošljavala više od 1.200 ljudi.
7. Kao rezultat tih razgovora Skupština povjerilaca donijela je odluku da se stečajni postupak neće okončati kroz prodaju imovine, već će se pokušati okončati kroz postupak reorganizacije firme, što je podrazumijevalo nastavak proizvodnje i očuvanje radnih mesta.
8. Angažman Suvada Džinde u tom periodu u potpunosti je bio vezan za odluke tadašnjih stečajnih upravnika, a ne Vlade FBiH, jer je jedino to zakonski bilo moguće.
9. Nakon što proces reorganizacije firme nije uspio, od strane organa stečajnog postupka donijeta je odluka kako će se pristupiti prodaji imovine. U tom trenutku Vlada FBiH je insistirala da se pokuša pronaći kupac imovine koji bi ujedno prihvatio sve radnike, a kako bi se sačuvala radna mjesta, što je kao uslov u prodaji imovine prihvaćeno od strane stečajnog upravnika.
10. U postupku prodaje imovine, koji je vođen od strane stečajnog upravnika, Vlada FBiH je prihvatile i ja sam potpisao ugovor kojim se Vlada FBiH obavezala da će, na način na koji se to bude radilo i svim drugim radnicima u FBiH, uvezati staž radnicima „Krivaje“ kako bi svi ti radnici mogli ostvariti temeljno pravo, a to je da nakon sticanja uslova dobiju penziju. Taj ugovor je dobio sva pozitivna mišljenja nadležnih ministarstava i ureda, uključujući i Federalno pravobranilaštvo, što Fadil Novalić može vrlo lako provjeriti u arhivi Vlade FBiH.

Dakle, još jednom naglašavam, jedini interes moje Vlade i mene kao premijera FBiH u tom periodu bio je da se pokuša sačuvati Krivaja i radna mjesta u ovoj firmi, te da se osigura mogućnost penzionisanja onih radnika koji su stekli to pravo.

Sramni pokušaji Vlade FBiH, na čelu sa Fadilom Novalićem, da se putem laži, manipulacija i teških ljudskih sudsudbina obračunava sa političkim protivnicima, uči će u anali beščašća bh. politike.

Dužnost svake Vlade, pa i ove koju vodi Fadil Novalić, je da pomogne

radnicima Krivaje, kao i svim drugim obespravljenim i opljačkanim građanima, a ne da se preko njihovih leđ udovoljava interesima stranačkih tajkuna, što Novalić i njegova Vlada radi.

Uvjерavam ih da im ovo neće nimalo pomoći u vrlo brzom odgovaranju za sve nezakonitosti koje su počinili u procesu prodaje Fabrike duhana Sarajevo i nizu drugih slučajeva.

SDP BiH i ja ćemo se nastaviti boriti za prava radnika, a vi se nastavite boriti za prava svojih tajkuna“, zaključio je Nikšić.



2017. GODINE

SDA I HDZ SMANJUJU PENZIJE

Penzioni sistem koji prave SDA – SBB i HDZ pogoduje samo bogatim

Koalicija SDA-SBB-HDZ je svim budućim penzionerima u FBiH smanjila penzije, dok je postojeće penzionere ostavila da sa zebnjom čekaju presude Ustavnog suda kojim bi se i njihove penzije smanjile. Sve to omogućava usvojeni Zakon o penzijsko-invalidiskom osiguranju u FBiH koji je još jedna u nizu lažnih reformi koje ova vlast provodi. Novi bodovni sistem obračuna penzija kontaminiran je odlukom da se vrijednost osnovnog boda kojim se izračunava iznos penzije izjednači sa prosječnom platom.

U praksi to znači da svi radnici koji sada imaju platu ispod 800 KM ne mogu imati penziju veću od 380 KM a to je devedeset posto zaposlenih u FBiH. Onih preostalih 10 posto privilegovanih koji imaju veće plate od 800 KM će imati i znatno veće penzije. Time se dugoročno kaznjavaju radnici iz tzv. realnog sektora, a nagradjuju prije svega oni koji sada rade u administraciji.

Ovakav model je neustavan i pitanje je vremena kada će pasti na Ustavnom sudu što će u opasnost dovesti i trenutne penzionere.

Upravo zbog usvajanja ovog sramnog Zakona, delegati Socijaldemokratske partije BiH u Domu naroda Parlamenta FBiH uložili su 88 amandmana na prijedlog Zakona o penzijsko-invalidiskom osiguranju FBiH.

Na ovaj način SDP će pokušati barem donekle, ublažiti negativne posljedice prijedloga zakona kojeg je pripremila Vlada SDA-SBB i

HDZ, a koji je usvojen glasovima poslanika ovih stranaka u Predstavničkom domu Parlamenta FBiH.

Također, ovakvim konceptom u opasnost se dovode i trenutni penzioneri koji bi u narednih nekoliko godina i sami mogli da se suoče sa radikalnim smanjenjem penzija.


Ovakav pristup kvazireformske vlasti nas ne čudi, jer je to kontinuitet politike kojim se radnici u FBiH na sve načine pokušavaju kazniti samo zato što žive od svog rada.

Očito je da ova vlast želi napraviti sistem u kojem će oni koji imaju više, imati još više, po cijenu da oni koji imaju malo, na kraju ostanu bez ičega.

Pozivamo Vladu FBiH da ozbiljno razmotri predložene amandmane i da se izdigne iznad zadovoljavanja interesa tajkuna i privilegovane elite, te da misli na interes kompletarnog društva.

Ovaj zakon imat će dugoročne posljedice na sve građane u FBiH i i prema njemu se mora odnositi sa maksimalnom ozbiljnošću i ovdje ne smije biti podjele na opoziciju i vlast.

Ukoliko koalicija SDA - SBB i HDZ ostane dosljedna svojoj politici, poručujemo im da će jedna od prvih zakonskih izmjena koje će SDP uraditi kada dođe na vlast biti upravo promjena sramnog penzionog sistema kojeg pokušavaju nametnuti građanima.



Nedoraslim kadrovima SDA kriv je SDP

Mnogo prašine u Hercegovini podigla je sjednica Upravnog odbora Zavoda zdravstvenog osiguranja HNK-a na kojoj je, između ostalog, usvojen finansijski plan ove institucije od 121.931.000 KM. Dan kasnije reagovala je hercegovačka SDA, koja je upozorila da se Upravni odbor ZZO-a tokom posljednjih pet mjeseci nije ni pokušao sastati, kao i da je kompletnom UO u junu istekao mandat. U saopštenju je navedeno i kako direktor ZZO-a Rade Bošnjak nije imenovan na Vladu, kao i da je HDZ za partnera u sistemu zdravstva "uzeo SDP".

"HDZBiH i SDP međusobnom saradnjom vrše nelegalne udare na javne institucije u HNK-u donošenjem brojnih protupravnih odluka i na taj način destabiliziraju funkcionisanje sistema i cijelokupne političke odnose u našem kantonu", tvrde u hercegovačkoj SDA, najavljujući niz mjera kojima će se "politička ujdurma dovesti u zakonski okvir".

Zastupnik SDP BiH u Skupštini HNK Aner Žuljević optužbe SDA smatra bezobraznim, neosnovanim i zlonamjernim, s krajnjim ciljem blokade rada zdravstvenih ustanova HNK-a.

– Očigledno je da sve što SDA izgubi za pregovaračkim stolom u odnosima s HDZ-om, bez imalo skrupula, fakturiše svom jedinom opozentu SDP-u. Gospoda iz SDA ponekad se prema povjerenju koje su im ukazali građani ponašaju kao nedorasla djeca, pa umjesto da preuzmu odgovornost za svoje poteze, obično posežu za providnim lažima i obmanama. Možda je njihov cilj bolesnicima onemogućiti ulazak u bolnice, jer je bolje sprječiti nego liječiti, kazao je Žuljević, tvrdeći da je svakog puta dosad u trenutku kad su HDZBiH i SDA bili na vlasti, SDA za "bezuspješnu raspodjelu plijena krivila opoziciju, i to najčešće SDP". Žuljević je na kraju obećao i da će se SDP potruditi da se odnos SDA s HDZ-om ne prelama preko leđa zdravstvenih radnika i pacijenata.

– Pozivamo ih da se uozbilje i u dogovoru s HDZ-om BiH, imenuju UO ZZO i Zavoda za zapošljavanje, kao i da konačno riješe problem policijskog odbora i komesara. Vrijeme je da prestanu proizvoditi više problema nego što ih mogu prezentirati javnosti, kao i da konačno prestanu pisati saopštenja o situacijama u koje su nas sami doveli, rekao je Žuljević.



SDP nikada neće odustati od ideje jedinstvenog Mostara

U nedavnom intervjuu za Slobodnu Dalmaciju, Lana Prlić, potpredsjednica Socijaldemokratske partije BiH, navela je će SDP uvijek insistirati na ideji jedinstvenog Mostara.

„SDP predlaže jedinstveni grad s tri općine, ali po-prijevo Neretve, a na uzduž. Sjever, Centar i Jug bi bile općine, ali nikako ne bi pratile ratnu liniju razgraničenja, od i do Bulevara, kao što žele HDZ i SDA. Ušla sam u potku radi jedinstvenog Mostara, jer se ne želim pravdati bilo kome jesam li s ove ili one strane rijeke. I naš i prijedlog Centra za mir i međuetničku suradnju, koji smo također podržali, oni su srušili. Prvi nisu dali radnoj grupi čak ni na razmatranje. Sasjekli ga u startu združenim snagama. Imaju neke dogovore od ranije, vrlo vjerojatno. Njima odgovara ovaj status, gdje nemamo Gradsko vijeće, gdje sve odluke donosi jedan čovjek, uz pomoć drugog koji vodi finansije. Oni nikome ne polažu račune, imaju na raspolaganju veliki budžet, odlučuju o sudbini grada i svih građana. Ali nisu samo problem HDZ-SDA, već i međunarodna zajednica koja niti malo ne pritišće da se riješi problem. Problem će biti kada se jednog dana raspišu izbori u Mostaru, jer ko će više na njih izaći“, navodi Prlić.




Prelomna pobjeda ZAVNOBiH-a u Parlamentu BiH

U obrazloženju ovog prijedloga dr. Denis Bećirović je, pored ostalog, rekao: "U hiljadugodišnjoj historiji Bosne i Hercegovine nema događaja uporedivog sa ZAVNOBiH-om. Ne postoji historijska paralela ZAVNOBiH-a. Ne postoje dokumenti, izvorno i provenijencijom, identičnog ili sličnog sadržaja i značaja, kojim se na takav način potvrđuje historijsko-politički individualitet BiH. Ni jedna predzavnobihska epoha ne može da pokaže takvo svjedočanstvo. Zato danas s ponosom obilježavamo najgrandiozniji, najsjajniji i najznačajniji datum u dugoj historiji naše države. ZAVNOBiH je više od jedne konferencije, više od jednog politički značajnog događaja. On je datum i događaj najvišeg ranga, događaj koji mijenja smjer historije i na historijsku scenu izvodi nove društvene snage i nove političke ideje. BiH je neupitna tekovina višestoljetne historije, koja nije nastala nagodbama ni unutrašnjih ni spoljnih faktora pa je za njeno opstajanje i razvoj bitno da je slobodna, a sloboda njenih etno-konfesionalnih zajednica ne osigurava se i ne učvršćuje raspravama koja je od njih veći i odlučujući konstituent države, već demokratskim pravnim poretkom koji im garantira ravnopravnost. Ideje i poruke ZAVNOBiH-a upućuju na toleranciju, zajedništvo, mir i nenasilje. Zato su te ideje danas aktuelnije više nego ikada. Neki zaboravljaju da je mržnja opasna i za onoga koga se mrzi, a (možda i više), i za onoga ko mrzi. Prvo zasjedanje ZAVNOBiH-a predstavlja svjetli primjer protesta protiv mržnje, podjela, bratoubilaštva i genocida. Svojom filozofijom i duhom mira i zajedništva ZAVNOBiH i poslije šest decenija osmišljava geopolitičku teritoriju BiH. Ideje i principi ZAVNOBiH-a nadživljavaju sve oblike destrukcije i dezintegracije BiH“, navodi Bećirović.

SDP BiH obavještava javnost da je na 39. sjednici Predstavničkog doma Parlamentarne skupštine Bosne i Hercegovine usvojen prijedlog dr. Denisa Bećirovića o afirmiranju zavnobihskih vrijednosti i ustanovljenju nagrade ZAVNOBiH-a.

Ovakav rezultat glasanja u najvišem zakonodavnom organu države BiH predstavlja prvu pobjedu zavnobihskih, antifašističkih i demokratskih vrijednosti u postdjeljonskoj državi BiH. Demokratskim glasanjem, u skladu sa Ustavom BiH i Poslovnikom o radu Predstavničkog doma PS BiH, definitivno je potvrđeno da nema nikakve dileme da je je 25. novembar legalni Dan državnosti Bosne i Hercegovine i da u narednom periodu trebamo svi zajedno osmišljeno afirmirati ovaj praznik. Jedan od načina afirmacije je i ustanovljenje Zakona o nagradi ZAVNOBiH-a na državnom nivou.

SDP BiH ocjenjuje da glasanje u državnom parlamentu predstavlja novu i nezaobilaznu činjenicu koja se u narednom periodu neće moći nikako ignorirati i zaobići. Poslije ovakvog ishoda glasanja, svaki pokušaj Milorada Dodika da apelacijom ospori ZAVNOBiH i Dana državnosti BiH predstavljat će u još većoj mjeri običnu političku besmislicu i promašaj.



Magazinović jedan od osnivača Globalne organizacije parlamentaraca za borbu protiv korupcije u BiH

Predsjednik Glavnog odbora SDP BiH i poslanik u Parlamentu BiH Saša Magazinović potpisao je osnivačku Povelju GOPAC-a (Globalne organizacije parlamentaraca za borbu protiv korupcije) čime je postao jedan od osnivača ogranka ove međunarodne mreže u Bosni i Hercegovini.

Uvažavajući preporuke Komiteta Vijeća Evrope za borbu protiv korupcije (GRECO), ubjedjeni da korupcija nije samo lokalna, već transnacionalna pojava koja pogarda sva društva i privrede, što čini neophodnom međunarodnu saradnju na njenom sprečavanju i suzbijanju, te uviđajući važnost udruživanja parlamentaraca na zajedničkim projektima, grupa parlamentaraca iz oba doma Parlamentarne skupštine BiH se odlučila na zajednički angažman i osnivanje ogranka GO-

PAC-a u našoj državi.

Ova parlamentarna grupa, koja će djelovati na principu dobrovoljnosti, demokratičnosti, transparentnosti i zabrane diskriminacije na bilo kom osnovu okupljati će parlamentarce i druge zainteresirane strane, bez obzira na njihovu političku pripadnost, s ciljem borbe protiv korupcije, unapređenja zakonskog okvira u ovoj oblasti, te osiguranja visokog standarda integriteta u javnom sektoru.

Cilj ogranka GOPAC-a su prevencija i borba protiv korupcije, promovisanje principa transparentnosti i odgovornosti u Parlamentarnoj skupštini Bosne i Hercegovine, kako bi se osigurali široki standardi integriteta, a naročito realizacija ciljeva Globalne organizacije koji se odnose na us-

Ova parlamentarna grupa, koja će djelovati na principu dobrovoljnosti, demokratičnosti, transparentnosti i zabrane diskriminacije na bilo kom osnovu okupljati će parlamentarce i druge zainteresirane strane, bez obzira na njihovu političku pripadnost, s ciljem borbe protiv korupcije, unapređenja zakonskog okvira u ovoj oblasti, te osiguranja visokog standarda integriteta u javnom sektoru.

postavljanje standarda ponašanja s ciljem promocije transparentnosti, odgovornosti i dobrog upravljanja, promocija vladavine prava i odgovornosti institucija vlasti, te promovisanje mjera usmjerjenih na djelotvorno rješavanje pitanja korupcije i podizanje svijesti o problemu korupcije na svim nivoima društva.

Magazinović je naglasio da formiranje ogranka GOPAC-a Bosnu i Hercegovinu stavlja u društvo sa preko 50 država i više od 700 parlamentaraca širom svijeta koje su se pridružile ovoj globalnoj mreži sa ciljem saradnje i zajedničkog rada u borbi protiv korupcije na nacionalnom, regionalnom i globalnom nivou.



Već imamo stanje koje je ozbiljan početak bankrota FBiH

Vladajuća struktura u FBiH navela je kako je on donesen s ciljem osiguranja finansijske stabilnosti penzionera i poboljšavanja sistema penzijskog i invalidskog osiguranja.

Zastupnik SDP-a BiH u Zastupničkom domu Parlamenta FBiH Damir Mašić smatra kako se radi o još jednom u nizu zakona u koji se krenulo "grlom i jagode" bez ikakvih procjena kakve će efekte zakon imati u praksi.

Novim Zakonom o penzijsko-invalidskom osiguranju FBiH, koji treba stupiti na snagu početkom iduće godine, dodatno će se opteretiti već nelikvidni budžeti entiteta Federacije BiH. Ovo otvara pitanje na koji način će vlasti namaknuti nedostajuća sredstva koja je realno moguće ostvariti samo aktivnim i agresivnim zapošljavanjem. Zastupnički dom Parlamenta FBiH usvojio je Prijedlog novog zakona o penzijskom i invalidskom osiguranju. Vladajuća struktura u FBiH navela je kako je on donesen s ciljem osiguranja finansijske stabilnosti penzionera i poboljšavanja sistema penzijskog i invalidskog osiguranja.

Zastupnik SDP-a BiH u Zastupničkom domu Parlamenta FBiH Damir Mašić smatra kako se radi o još jednom u nizu zakona u koji se krenulo "grlom i jagode" bez ikakvih procjena kakve će efekte zakon imati u praksi.

"To su uradili kako bi stavili još jednu kvačicu na šupljem papiru koji se zove reformska agenda s obzirom na to da sve pogrešno implementiraju od onoga kako je napisano", kazao je Mašić.

On smatra da je neizvjesno šta će poslije biti sa penzionerima koji su ostvarili prava po nekim drugim zakonima te u kojoj mjeri će sistem biti nepravedan po jednu od kategorija penzionera.

"Kada vidite prijedlog budžeta i koliki su prihodi u odnosu na rashode, pogotovo unutar rashodovne strane, i koliko se sredstva izdvaja na otplate vanjskog duga doći ćete do zaključka da mi već imamo stanje koje je ozbiljan početak bankrota FBiH", rekao je Mašić.

Kako kaže, aktuelna vlast, umjesto da rješava te probleme, sve više nameće dodatne troškove koji će ugroziti već poljuljan finansijski sistem. Podsetio je i da Vlada FBiH nedavno nije uspe-

la prikupiti 30 miliona KM od prodaje trezorskih zapisa, već nešto manje od pet miliona KM.

"To pokazuje da finansijski sektor nema nikakvo povjerenje u aktuelnu vlast i politiku koju oni vode. To je trebalo zabrinuti one koji odlučuju o našim sudbinama", kazao je Mašić.

Mašić ističe da i Prijedlog zakona o PIO-u ima, kao i ostali zakoni koji se usvajaju, "trećenitetsku klauzulu", kao i Zakon o radu kojim je degradirana uloga Federalne uprave za inspekcijske poslove. "Time se slabi FBiH, a jača uloga kantona. Isti slučaj je i sa zakonom o PIO-u jer je kantonima omogućena isključiva nadležnost kada je riječ o propisivanju i upisivanju beneficiranog staža. U praksi će to značiti da bismo u budućnosti mogli imati deset potpuno različitih sistema koji će propisivati taj segment", rekao je Mašić.



Povodom Dana državnosti u Mostaru održana svečana sjednica Glavnog odbora

Svečana sjednica Glavnog odbora Socijaldemokratske partije BiH, povodom Dana državnosti BiH, održana je u Mostaru, gdje je ponovo skrenuta pažnja na agoniju grada u kojem se institucije države, njen Ustav i temeljna ustavna prava građana najdrastičnije krše i osporavaju.

SDP BiH stanovništvu Mostara i južnog dijela BiH daje punu podršku u nastojanjima za zaštitom vlastitog dostojanstva i osiguranjem temeljnih ljudskih prava, poput prava na glas i izbor vlasti u skladu sa demokratskim principima. Smatramo da je temeljne vrijednosti ZAVNOBiH-a danas potrebno zagovarati i braniti jednako gorljivo, kao u najtežim vremenima fašističkih nasrtaja na našu državu. Radi se o vrijednostima koje predstavljaju temelj savremene BiH, zasnovane na antifašizmu, jednakopravnosti, te opredjeljenosti svih naroda za afirmiranjem stoljetne bh. državnosti. Mostar, grad simbol pluralne BiH, kao takav je ponovo izložen nasrtajima savremenih fašistoidnih ideologija, koje ovaj grad i njegove građane guraju u nove sukobe, obespravljanja i poniženja.

SDP BiH, kao najdosljedniji baštinik vrijednosti antifašizma i jednakopravnosti svih građana, očekuje od svih činitelja političkog života da, osim po deklarativnom opredjeljenju, konačno, praktično počnu dokazivati vlastiti antifašizam i državotvornost.

Iako se vladajuće nacionalističke stranke javno formalno zalažu za antifašističke, a samim tim i evropske principe i vrijednosti, veličanje fašizma kroz imenovanja škola, ulica, mostova i drugih javnih objekata i institucija po ratnim zločincima, bilo iz posljednjeg ili iz Drugog svjetskog rata, jasno demantuje te navodne patriote, evropece i antifašiste. Glavni odbor Bakira Izetbegovića pita da li je licemjerno polagati vijence na spomenike palim antifašistima, dok, u isto vrijeme, SDA imenuje školu prema deklarisanom fašisti Mustafi Busuladžiću.

Zagovaranje etničke podjele države BiH afirmisanjem zločinačkih pothvata iz skorije i dalje prošlosti, te očito saučesništvo u realizaciji tog projekta svih vladajućih struktura, predstavlja sramotnu izdaju države BiH i osnovnih antifašističkih vrijednosti na kojim je ona uspostavljena.



Bolja saradnja između bosanskohercegovačkih i hrvatskih socijaldemokrata

Socijaldemokrate iz BiH i Hrvatske su uvijek sarađivali, postojali su određeni problemi na nivou rukovodstava u prošlosti, vjerujem da je vrijeme za novu stranicu u odnosima između SDP BiH i SDP Hrvatske.

U Zagrebu su se nedavno sastali novoizabrani predsjednik SDP Hrvatske Davor Bernardić i generalni sekretar SDP BiH Irfan Čengić, koji su razgovarali o dosadašnjoj i budućoj saradnji između ove dvije političke partije, koje pripadaju porodici Partije Evropskih Socijalista (PES).

“Socijaldemokrate iz BiH i Hrvatske su uvijek sarađivali, postojali su određeni problemi na nivou rukovodstava u prošlosti, vjerujem da je vrijeme za novu stranicu u odnosima između SDP BiH i SDP Hrvatske” istaknuo je Čengić.

Ove dvije političke partije su začetnici demokratizacije političkih partija i prve partije na Balkanu koje svoje lidere biraju po sistemu “Jedan član-jedan glas”.

Na sastanku je razgovarano i o organizaciji regionalne konferencije ljevičara koja bi se naredne godine trebala organizovati u Sarajevu.



Organizovana grupa unutar Vlade FBiH pokušava oštetiti Federaciju za sedam miliona KM

„Postoje vrlo ozbiljne indicije da unutar Vlade FBiH djeluje organizovana grupa koja želi dovesti do toga da Vlada izgubi sudski spor koji se protiv nje vodi po tužbi firme Ferimpex Zavidovići, u visini od nešto više od pet miliona KM bez kamata, da bi se isti novac kasnije podijelio među pripadnicima te grupe“, upozorio je Nermin Nikšić, predsjednik SDP BiH, na konferenciji za novinare.

„Želja mi je da na ovaj način upozorim javnost i pošaljem jasnu poruku o tome šta i kako radi trenutna vlast u FBiH, jer smo došli do informacija koje su vrlo zabrinjavajuće i ukazuju na potencijalno velike zloupotrebe koje se pripremaju unutar institucija vlasti u FBiH.“

Naiime, kako je poznato Vlada FBiH podnijela je krivičnu prijavu protiv mene i drugih NN osoba jer smo nastojali uvezati radni staž radnika Krivaje, čime smo prema njihovom mišljenju oštetili budžet. Te nebuloze sam već dva puta demantovao i početkom sedmice podnio sam krivičnu prijavu zbog zloupotrebe položaja i lažnog prijavljivanja odgovornih osoba iz Vlade FBiH koje stoje iza svega toga. Već sam u javnim obraćanjima upozorio kako je to zapravo pokušaj da se sakrije nešto što se dogovara i pokušava provesti daleko od očiju javnosti, a sada smo došli do jasnih indicija i dokaza koje ćemo ovdje predstaviti, a koji upozoravaju da je cijeli slučaj paravan za novu višemilionsku pljačku.

Te indicije indirektno su potvrdili iz Vlade FBiH u svom saopštenju od 9.12.2016. godine, gdje su naveli kako je ‘Vlada FBiH 7. juna 2011. godine donijela odluku o raskidanju ugovora koji je Vlada FBiH sklopila 2008. i njegovog aneksa iz 2009. godine sa firmom Ferimpex o zajedničkom ulaganju i osnivanju firme Krivaja 1884’. Dalje se navodi da je ova firma uspješno radila i izmirivala plaće radnicima kao i obaveze po novu doprinosa, a da je ugovor raskinut neosnovano i da Vladi FBiH sada nedostaje adekvatna argumentacija za uspješnu odbranu.

Sve navedeno u ovom saopštenju je potpuna neistina. To nas upućuje na jasnu sumnju da grupa pojedinaca iz Vlade FBiH koji plasiraju ove neistine pokušava dovesti do nepovoljne nagodbe u sporu ili se spor svjesno vodi

ka tome da se izgubi. Poznato vam je da su u BiH neki visoki zvanični dužnosnici oslobođani u sudskim presudama jer je nestala originalna dokumentacija, a meni je u interesu da se originalna dokumentacija sačuva.

Vjerujemo da se danas pokušava svjesno našteti poziciji Vlade FBiH u ovom sudskom sporu. Posebno je znakovito da je u Budžetu FBiH za 2017. godinu na stawkama izvršenje sudskih presuda i plaćanje sudskih sporova planirano 7 miliona KM sredstava više nego u prošloj godini, što slučajno ili ne odgovara iznosu za koji je tužena FBiH u ovom sporu, zajedno sa iznosom kamate.

Na temelju svega iznesenog pozivam nadležna tužilaštva da se hitno uključe i ispitaju ove navode, jer postoje ozbiljne indicije kako se pokušava oštetiti budžet FBiH za više miliona KM, na način da se svjesno dovede do gubitka sudskog spora ili da se pod lažnim izgovorom o nemogućnosti pozitivnog ishoda, postigne vansudska nagodba na štetu FBiH.

Nakon što je koalicija SDA-SBB-HDZ i ove godine odbila provoditi set antikoruptivnih zakona, a novac za njegovu provedbu odbila planirati i u budžetu za 2017. godinu Vrhovnog suda i Federalnog tužilaštva, u SDP BiH više nemaju nikakve dileme kako je na sceni očit pokušaj vlasti da zaštitи tajkune i kriminalce iz redova vladajućih stranaka. Upozoravaju kako je ovo već treća godina da Vlada FBiH odbija provoditi Zakon o suzbijanju korupcije i organiziranog kriminala, što je slučaj nezabilježen u BiH i cijeloj regiji.

Imamo vlast koja se bavi kriminalom, te štiti kriminal i kriminalce.

Ta vlast prijavljuje nas iz SDP-a tužilaštima jer smo pokušavali pomoći radnicima, a istovremeno oni preko leđa tih istih ljudi pokušavaju ostvariti višemilionsku protivpravnu korist.

Kao odgovorna politička partija koristiti ćemo sve načine da se borimo protiv takve vlasti, ali smo očito došli do faze kada se ovome mora suprotstaviti pravna država i institucije sistema. Nažalost, ova vlast opstruira provođenje zakona koji trebaju dovesti do brže i uspješnije borbe protiv korupcije i kriminala i sada jasno vidimo zašto se tako ponašaju“, obrazložio Nikšić.

Pet pitanja za Bakira Izetbegovića i SDA

Povodom histeričnog i neutemeljenog reagiranja SDA i njenog predsjednika Bakira Izetbegovića na stavove predsjednika SDP Nermina Nikšića, od SDA i njenog predsjednika javno tražimo odgovor na sljedeća pitanja:

1. Ako već SDA i Bakir Izetbegović nikada nisu pravili bilo kakve dogovore sa SNSD-om i Miloradom Dodikom, kako tvrde iz SDA, čemu su onda svjedočili građani BiH kada su u Istočnom Sarajevu u restoranu Barka, Izetbegović i Dodik zadužili BiH za milijardu KM i dogovorili mehanizam koordinacije kojim je država BiH svedena na nivo konfederacije tri naroda i kada niti jedna odluka vezana za put BiH ka EU neće moći biti donijeta bez saglasnosti entiteta, deset kantona i Distrikta Brčko, jer su se tako dogovorili Dodik i Izetbegović, a što SDP BiH nikada nije htio prihvati, jer je neustavno i suprotno interesima države BiH?

2. Zašto je SDA za potpredsjednika Doma naroda Parlamenta FBiH zajedno sa HDZ izabrala Dragu Puzigaću iz SNSD-a, odbijajući podržati izbor kandidata SDP-a Slaviše Šućura, zlatnog Ilijana Armije Republike BiH, i zašto su ključni dio parlamentarne većine u FBiH poslanici stranke ratnog zločinca Fikreta Abdića?

3. Neka SDA gubitak načelničke pozicije u Srebrenici ne fakturiše SDP-u, jer dok je SDP vodio vlast zajednički kandidat probosanskih stranaka je pobedio na izborima. Vrijeme je da Izetbegović i SDA odgovore zašto podršku izboru Čamila Durakovića nisu dale zvanične institucije, poput Vlade FBiH bez čije podrške su ovi izbori izgubljeni?

4. Zašto je SDA prepustila HDZ-u sve pozicije u javnim preduzećima južno od Ivan Sedla, poput Aluminija i EPHZHB, u kojima su, dok je odlučivao SDP, postojale multietničke uprave i nadzorni odbori i zašto svaki zakon koji izlazi iz Vlade FBiH i Vijeća ministara BiH sadrži tzv. trećeentetsku klauzulu? Jel se na taj način gradi jedinstvena BiH po mjeri SDA?

5. Ponovo tražimo od SDA i Bakira Izetbegovića da kažu kada će penzionerima povećati penzije, kada će radnicima prestati nametati nove poreze i namete, kada će više početi gradnja autoputa, koja je u potpunosti stopirana otako o tome odlučuje SDA, do kada će se Reformska agenda zloupotrebljavati od SDA i Vlade Fadila Novalića za pljačku javnih dobara i siromašenje građana, te kako to da budžet BiH od 950 miliona KM, kada ga predlaže SDP predstavlja rušenje države, a kada to isto nakon četiri godine radi SDA onda je to jačanje države?



Bugojno

Javna tribina „Dan državnosti BiH“

Povodom 25. novembra, Dana državnosti BiH, Općinska organizacija SDP BiH Bugojno je u Kristalnoj sali Općine Bugojno upriličila Javnu tribinu na temu „Dan državnosti BiH“. Učesnici tribine su bili Mirsad Bušatlija i Miro Lazović, a na početku tribine, prisutnima se obratio predsjednik Općinske organizacije SDP BiH Bugojno Admir Škandro, koji je ukazao na značaj ovog veoma bitnog datuma za našu

državu. Profesor historije Mirsad Bušatlija za ovu prigodu pripremio je video-prezentaciju pod nazivom „Bosna kroz vijekove“.

Miro Lazović osvrnuo se na predratni, ratni i period nakon rata, kada je obnašao funkciju predsjednika Skupštine Republike BiH, te je tom prilikom iznio svoja viđenja cijelokupne situacije vezane za državnost Bosne i Hercegovine.

Sarajevo

Ljevi blok okupio većinu u Starom Gradu, prva odluka smanjenje plata



Održana je konstituirajuća sjednica Vijeća Općine Stari Grad Sarajevo, na kojoj su nove vijećnice i vijećnici položili zakletve i preuzeli dužnosti. Prisutnima se obratio načelnik Ibrahim Hadžibajrić, te je izabrano novo rukovodstvo Vijeća Općine. Za predsjedavajućeg Vijeća izabran je Jusuf Pušina iz Prve nezavisne liste, a za zamjenike Irfan Čengić iz SDP BiH i Sanel Dragolovčanin iz Demokratske fronte.

Vijećnici okupljeni oko lijevog bloka uspjeli su dogоворiti većinu koju trenutno čini 18 vijećnica i vijećnika iz SDP BiH, Demokratske fronte, Naša stranke, Prve nezavisne liste i tri samostalna vi-

jećnika. Time je Stari Grad Sarajevo postao jedina sarajevska općina u kojoj stranke desnice nemaju ni načelničku poziciju, niti su dio većine ili rukovodstva Vijeća. U SDP-u Stari Grad se nadaju kako će ovaj pozitivan primjer biti podstrek ljevičarima i građanski orijentisanim zastupnicima u drugim općinama da prevaziđu razlike, nađu kompromisna rješenja i zajednički nastupe za dobrobit građana koji su im dali podršku. Prva usvojena odluka novog saziva je umanjenje plata i naknada rukovodstvu Vijeća i savjetnicima. Time su vijećnici okupljeni oko lijevog bloka pokazali da su potpuno svjesni odgovornosti koju preuzimaju i potvrdili odlučnost da rade u interesu građana ove općine i cijelog Sarajeva. Dogovorena je i saradnja u izboru gradskih vijećnika i gradskog rukovodstva, u koordinaciji sa višim stranačkim instancama i u skladu sa međustranačkim dogovorima.

Klub SDP Stari Grad će u mandatu 2016-2020 činiti Anisa Bašović, Almedin Miladin, Muamer Mekić i Irfan Čengić. Vijećnici su za šefa Kluba vijećnika izabrali Muamera Mekića, koji će u narednom periodu rukovoditi radom kluba.

Općinsko vijeće Ilijde neustavno izglasalo predsjedavajućeg

Vladajuća većina u Općini Ilijda, koju čini SDA-SBB-SBiH, je na konstituirajućoj sjednici Općinskog vijeća (OV) Ilijda 24. novembra izglasala da predsjedavajući ovog tijela bude Muhamed Omerović (SDA) koji dolazi reda Bošnjaka, što je protivno Ustavima FBiH i Kantona Sarajevo, ali i Statutu Općine Ilijda. Podsetimo, sva tri akta nalažu da predsjedavajući Općinskog vijeća ne može biti iz reda istog konstitutivnog naroda, kao i načelnik Općine.

Samir Avdić, vijećnik SDP-a, kaže da vladajuća većina nije dala podršku prijedlogu njegove stranke da predsjedavajuća bude Smiljana Viteškić (SDP), koja dolazi iz reda srpskog naroda. On pojašnjava da je Viteškića bila jedini legitimni kandidat, s obzirom da se načelnik Ilijde Senaid Memić izjašnjava kao Bošnjak. S druge strane, Mirza Alijagić, iz reda ostalih, nije se mogao kandidovati, jer je bio član Komisije koja provodi izbor, dok je Miro Grbavac, iz reda hrvatskog naroda, odbio kandidaturu.

„Iz razloga neslaganja sa takvom praksom, klubovi SDP-a, DF-a i Naše stranke su, prilikom glasanja za prijedlog vladajuće većine, vratili prazne glasačke listice. Klubovi SDP-a i DF-a su prilikom drugog glasanja povukli i svoje članove iz Komisije za izbor rukovodstva, jer smatramo da je takvo glasanje kršenje Poslovnika i zakona“, pojašnjava Avdić.



Visoko

Na inicijativu vijećnika SDP-a, rekonstruisan Trg Džemala Bijedića

U Visokom je zvanično završena rekonstrukcija Trga Džemala Bijedića, a svečano otvorene održane su u sklopu obilježavanja Dana državnosti BiH.

Projekat rekonstrukcije Trga Džemala Bijedića aktualizirao je općinski vijećnik SDP-a Dejan Šćepanović, još u oktobru 2013. godine, postavivši

vijećničko pitanje u ime Foruma mladih SDP BiH Visoko.

Inače, rekonstrukcija Trga je predviđena Programom kapitalnih ulaganja u infrastrukturu iz Budžeta Općine Visoko za 2016. godinu, a ugovorenna vrijednost radova bila je 28.601 KM.



Tuzla

SDP BiH predvodi većinu u Gradskom vijeću Tuzle

U Bosanskom kulturnom centru (BKC) u Tuzli je održana konstituirajuća sjednica Gradskog vijeća (GV) ovog grada, gdje je za predsjedavajućeg izabran Aleksandar Vujadinović iz Socijaldemokratske partije (SDP) BiH, dok je za njegovog zamjenika imenovan Mirel Mišković iz Tuzlanske alternative.

Gradsko vijeće Tuzle ima 31 vijećnika. Sa 11 mandata predvodi SDP, a slijede Stranka demokratske akcije (SDA) sa šest, Savez za bolju budućnost (SBB) sa četiri, Tuzlanska alternativa sa tri te Hrvatska demokratska zajednica (HDZ) BiH, Demokratska fronta (DF) i Bosanska stranka (BOSS) sa po dva vijećnika. Iz reda nacionalnih manjina u Gradskom vijeću Tuzle je Nedžad Jusić.

Prema riječima predsjednika Vujadinovića, četverogodišnji mandat trebao bi obilježiti, prije svega, korektan odnos vijećnika koji bi na civilizovanom nivou trebali rješavati probleme u interesu svih građana Tuzle.

“Time bi se stvorila baza da Tuzla u narednom periodu napravi progres kakav je bolji nego u prethodnim godinama. Gradsko vijeće će se truditi da na transparentan način pokuša izmijeniti administrativne prepreke koje postoje i na koje se svi žalimo. Ništa mimo zakona se neće moći riješiti, a mi ćemo se potruditi podržati sve ono što se bude moglo učiniti za stvaranje osnove i baze za dalji razvoj”, istakao je Vujadinović.



SDA neometano nastavlja sa pustošenjem budžeta Općine Centar

Klub vijećnika Socijaldemokratske partije BiH u Općinskom vijeću Centar Sarajevo podsjeća javnost da i dalje nije riješeno pitanje načina izbora dopredsjedavajućih ovog Općinskog vijeća, što je bio i glavni razlog zašto su vijećnici SDP BiH, zajedno sa vijećnicima ostalih opozicionih stranaka, napustili konstituirajuću sjednicu ovog Vijeća.

Podsjećamo, općinska većina u Centru, okupljena oko SDA i SBB, izglasala je dva dopredsjedavajuća, iako Statut ovog Vijeća propisuje samo jednog. Ovakva nezapamćena praksa je samo dokaz koliko je ovim strankama bitna samo finansijska korist njihovih vijećnika, jer su zbog ovoga povučani troškovi rada Vijeća, iako obim posla to ne zahtijeva.

Osim povećanja finansijskih troškova, narušen je i Ustav Kantona Sarajevo, jer su za dva dopredsjedavajuća Vijeća izabrana dva Bošnjaka, dok je predsjedavajuća iz reda hrvatskog naroda. Ovakvim načinom izbora SDA je jasno pokazala da će se u Općini Centar, kako oni to vole reći, deset puta važnijoj od drugih bh. općina, kršiti Statut, a što će kao direktni rezultat imati narušavanje jednakopravnosti naroda, po kojem je Općina Centar bila prepoznatljiva u BiH.

Vijećnici SDP BiH smatraju da ovakvim načinom izbora rukovodstva Općinskog vijeća, SDA ima namjeru od Općine Centar napraviti općinu koja će samo služiti finansijskim interesima njihovih kadrova, u nezajedljivom pohodu na pustošenje budžetskih sredstava, što je već dugogodišnji oproban metod rada ove stranke u općinama u kojima imaju vlast.



Odlukom Vlade FBiH Jablanica ostaje bez priključka na Koridor Vc

Prije 10 mjeseci Vlada Federacije BiH, koju čine premijer i ministri koalicije SDA-HDZ-SBB, na sjednici održanoj u Mostaru, donijela je odluku kojom se utvrđuje model realizacije projekta izgradnje dionice autoceste Konjic-Mostar Sjever na Koridoru Vc.

Ovom odlukom Vlade FBiH Jablanica ostaje bez priključka na Koridor Vc, a štetnost ove odluke manifestovat će se na ionako teško stanje u privredi, besperspektivnost i stanje apatije u kojem se Jablanica nalazi.

„OO SDP BiH Jablanica izražava duboku zabrinutost šutnjom i nepostupanjem načelnika Općine Jablanica, kojem su inače, a posebno u predizbornu vrijeme, puna usta interesa stanovništva i razvoja Jablanice. Bez dnevnog

politiziranja pitamo se da li je načelniku važniji interes Općine na čijem je čelu ili interes njegove stranke koja je autor odluke koja nas sve zajedno ostavlja u izolaciji?

Stoga, po ko zna koji put javno pitamo da li je i koje konkretne radnje i korake poduzeo načelnik Općine Jablanica, kako bi se sprječila dalja implementacija ove odluke? S obzirom da je prošlo 10 mjeseci od donošenja sporne odluke, pozivamo načelnika Općine, Salema Dedića, da se oglesi, da se u interesu svih stanovnika Općine usprotivi i ogradi od odluke Vlade Federacije BiH od 12.02.2016.godine, što je kao osoba koja po zakonu predstavlja Općinu Jablanica morao davno učiniti“, navodi se u saopštenju.

Održan susret načelnika Nedžada Zukanovića sa građanima Ključa

Fondacija za razvoj i demokratiju je u Ključu održala događaj pod nazivom „Sastanak sa Načelnikom“ koji je kroz direktni susret Načelnika Nedžada Zukanovića sa građanima Ključa, predstavnicima mjesnih zajednica, lokalne vlasti, NVO i medija pokušao da ponudi odgovore na ključne teme u lokalnoj zajednici i to prije svega u mjesnim zajednicama.

Na sastanku se razgovaralo o planovima razvoja Općine Ključ kroz prizmu građanske participacije, sa naglašenom novom ulogom mjesnih zajednica, kao centra direktnog učešća građana u općinskim procesima. Događaj je organiziran u sklopu projekta „Jačanje uloge mjesnih zajednica u Bosni i Hercegovini“ a sve sa ciljem da se doprinese razvoju kapaciteta građana kao aktivnih sudionika procesa donošenja odluka.

U godini koja je na izmaku Socijaldemokratska partija BiH bila je jedna od najaktivnijih političkih partija u BiH.

2016.

Tokom 2016. godine smo reagovali i upozoravali javnost na mnoge loše poteze koalicije SDA-SBB i HDZ, kao i njihovog partnera na državnom nivou - Saveza za promjene, o namjerama o podjeli države, smanjenju penzija, etničkoj segregaciji, kriminalnoj privatizaciji državnih preduzeća, rasprodaji državne imovine...

Mostar kao jedinstven grad sa zaštićenim pravima svih građana

Prijedlog Zakona o izmjenama i dopunama Izbornog zakona BiH, koji su u parlamentarnu proceduru uputili zastupnici Socijaldemokratske partije BiH i Demokratske fronte predviđa da Mostar bude jedna gradska cjelina.

SDP BiH protiv etničke segregacije među učenicima u Jajcu

Na današnjoj konferenciji za medije predstavnici Socijaldemokratske partije BiH iz Srednjobosanskog kantona osudili su inicijativu Vlade ovog kantona, kojom je predviđeno formiranje nove podijeljene i odvojene srednje škole za djecu Bošnjake u Jajcu.

Pozivamo Vladu FBiH da odmah odustane od najavljenog smanjenja penzija

Socijaldemokratska partija BiH zaprepaštena je najavom Vlade FBiH o mogućem smanjenju penzija u Federaciji BiH. Ovo je crvena linija koju Vlada SDA – SBB – HDZ ne smije preći, jer bi to bio nepodnošljiv udar na standard stotina hiljada penzionera koji ionako jedva sastavljaju kraj s krajem, i vjerovalno okidač potpunog socijalnog sloma u FBiH.

Podnošenje aplikacije za članstvo u EU marketinški trik vlasti

Na sjednici Glavnog odbora Socijaldemokratske partije BiH članovi smatraju da podnošenje aplikacije u ovom trenutku može biti samo marketinški trik aktualne vladajuće koalicije na državnom nivou, jer niti jedan uslov za njeno ozbiljno razmatranje nije ispunjen

SDP BiH protiv uništenja Opće bolnice u Sarajevu

Socijaldemokratska partija BiH svim zakonskim sredstvima nastavit će borbu protiv gašenja Opće bolnice Dr. Abdulah Nakaš, jer njenim zatvaranjem SDA i njeni politički sateliti direktno rade protiv interesa građana, prvenstveno Sarajeva, ali i ostalih građana BiH.

SDP BiH će stati na put svakom nasrtaju na državu

Socijaldemokratska partija BiH je apsolutno protiv prijedloga SNSD-a i SDS-a o izmjenama Krivičnog zakona BiH, kojima je predviđeno onemogućavanje sankcija za nepoštivanje i neprovođenje odluka Ustavnog suda BiH i Suda BiH.

Sjednica Narodne skupštine RS na Dan nezavisnosti BiH je provokacija i antidejtonsko djelovanje

Socijaldemokratska partija Bosne i Hercegovine poziva rukovodstvo Narodne skupštine Republike Srpske da odgodi sjednicu zakazanu za 1. mart koji se obilježava kao Dan nezavisnosti Bosne i Hercegovine. Zakazivanje sjednice na državni praznik je politička provokacija i klasično antidejtonsko djelovanje najvišeg zakonodavnog organa entiteta Republike Srpske i nepoštivanje Ustava BiH od strane njegovog rukovodstva.

Bakir Izetbegović i SDA podržavaju omalovažavanje države BiH i legitimiranje Herceg-Bosne

Socijaldemokratska partija BiH odbacuje kao neistinite stavove Predsjedništva BiH, vezane za otvaranje Ureda člana Predsjedništva Dragana Čovića u Mostaru. Takvi stavovi su samo dodatna podrška neustavnom djelovanju člana Predsjedništva BiH iz reda hrvatskog naroda, koju nedvosmisleno uživa kod preostala dva člana ovog tijela, uključujući SDA i njenog predsjednika Bakira Izetbegovića.

Skandalozno glasanje poslanika HDZ-a i SDS-a protiv ukidanja ulica koje nose nazine ustaških zločinaca

Na 30. sjednici Predstavničkog doma Parlamentarne skupštine Bosne i Hercegovine, održanoj 24.5.2016. godine, poslanici su u okviru 15. tačke dnevnog reda glasali o Inicijativi poslanika SDP BiH dr. Denisa Bećirovića koja je predviđala da nadležni organi Grada Mostara u najkraćem roku ukinu neprimjerene nazine ulica u Mostaru koje nose imena ustaških zvaničnika fašističke NDH Mile Budaka, Jure Francetića, Ante Vokića i Mladena Lorkovića.

Način na koji SDA i HDZ prodaju Sarajevo-osiguranje je čisti kriminal

Socijaldemokratska partija BiH poziva Vladi FBiH da odmah odustane od privatizacije Sarajevo-osiguranja putem berze, jer je potrebno osigurati dodatno vrijeme kako bi se uradila transparentna analiza opravdanosti prodaje.

Ono što je sigurno, jeste to da je prodaja kontrolnog paketa najveće osiguravajuće kuće u BiH putem berze krajnje loš potez, iza kojeg opravdano postoji sumnja da se radi o sumnjivom i nezakonitom poslu.

Bakir Izetbegović i SDA potpisali bezuslovnu kapitulaciju pred Dodikom

Bakir Izetbegović i SDA potpisali su danas bezuslovnu kapitulaciju pred Miloradom Dodikom i njegovom politikom uništavanja i razgradnje države Bosne i Hercegovine. Famozni mehanizam koordinacije, koji je dogovoren u kafani u Istočnom Sarajevu, predstavlja vrhunac urušavanja države, jer su Federacija BiH, Republika Srpska i kantoni dobili status jednak državi i njenim vlastima. Drugim riječima, bez državnih vlasti može se dogovoriti sve što se tiče puta BiH ka EU, dok bez saglasnosti RS ili nekog od kantona ne može ništa.

SDP BiH traži od Vlade FBiH povlačenje odluke o oporezivanju toplog obroka i regresa

Najnoviji potez Vlade Federacije BiH i Federalnog ministarstva finansija koji su, bez znanja i saglasnosti socijalnih partnera, Saveza samostalnih sindikata i Udruženja poslodavaca FBiH, donijeli Pravilnik o primjeni Zakona o porezu na dohodak, još jednom dokazuje da njihova bahatost i nebriga za građane nemaju granica.

Donošenjem ovog Pravilnika vladajuća SDA-HDZ-SBB svojim kvazireformama ne samo da je udarila direktno na primanja radnika, već to radi nezakonito i protivno odluci Ustavnog suda Federacije BiH.

Mladi u FBiH bez problema do prvog radnog iskustva

Na sjednici Zastupničkog doma Parlamenta FBiH usvojen je Prijedlog Zakona o izmjenama i dopunama Zakona o volontiranju Federacije BiH, koji je predložio SDP BiH. Zakonom o volontiranju FBiH, lokalne zajednice se obvezuju da izvrše akreditaciju i omoguće volontiranje mlađima i sticanje radnog iskustva, kako bi bili u mogućnosti polagati stručne i državne ispite, čime bi postali konkurentni na tržištu rada.

Zaustaviti otimačinu državne imovine i militarizaciju MUP-a RS

Najava izgradnje Centra za obuku pripadnika MUP-a RS, na prostoru kasarne Zalužani, predstavlja nastavak kršenja Zakona o privremenoj zabrani raspolaganja državnom imovinom u BiH od strane vlasti RS. Niko nema prava, mimo Zakona, raspolagati državnom imovinom, a ovaj pokušaj prenosa vlasništva sa države BiH na entitete protuzakonit je i mora biti zaustavljen i sankcionisan.

Eliminacija rodnozasnovanog nasilja

SOCIJALDEMOKRATSKI STAV

Forum žena SDP BiH pridružio se obilježavanju 16 dana aktivizma protiv nasilja nad ženama, i to organizacijom uličnih akcija koje su se održale u gradovima širom BiH 3. decembra.

Razorna moć rodno zasnovanog nasilja sprječava žene da aktivno sudjeluju u društvenom i političkom životu, narušava odnose u porodici i zajednici i negativno djeluje na cijelokupno društvo. Prema nalazima istraživanja u BiH, više od polovine žena doživjelo je bar neki oblik nasilja nakon što je navršilo 15 godina.



Dan borbe protiv korupcije

9. DECEMBAR

Bosna i Hercegovina ima mehanizme za borbu protiv korupcije, ali ih aktuelna vlast namjerno ne upotrebljava i koči njihovu implementaciju, poručili su socijaldemokrati kroz akciju „STOP korupciji“ provedenu u gradovima širom Bosne i Hercegovine, koju su simbolično održali 9. decembra, na Dan borbe protiv korupcije.





Mostar

Da li je veličanje Hrvatske Republike Herceg-Bosne dio Čovićevog pristupnog plana ka EU?

Predsjedništvo GO SDP BiH Mostar razmatralo je događaje povodom obilježavanja tzv. „Dana Herceg-Bosne“ prilikom kojih su pojedine mostarske ulice osvanule okićene njenim zastavama. Podsjecanja radi, to je ona ista tvorevina, pod rukovodstvom Mate Bobana, Jadranka Prlića i Darija Kordića, koja je organizovala koncentracione logore širom svoje teritorije i provodila sistematsko etničko čišćenje.

Njeno civilno i vojno rukovodstvo je osuđeno u Haagu za ratne zločine i udruženi zločinački poduhvat. S pravom se pitamo kome HR HB danas treba, da li je ovo povratak u prošlost koja je bila tako bolna za mnoge građane Mostara i šta nam slavljenjem takvih tvorevina žele poručiti Dragan Čović i saradnici? Da li je to vizija države kakvu zagovara Dragan Čović? Interesantno bi bilo i čuti da li su za ovu mostarsku ikonografiju obaviješteni odgovorni u Gradskoj upravi Grada Mostara i da li su aktivirali nadležne inspekcijske službe kako bi utvrdile nalogodavce?

Posebno nas zabrinjava govor Bože Ljubića, koji je u svom obraćanju podcrtao da su ideje i koncepti koje je zastupala HR HB danas veoma aktuelni i da: "HRHB je bila legitiman i legalan administrativni aranžman koji je organiziran na teritoriji koju su nastanjivali Hrvati u BiH. Ona os-

taje trajna inspiracija, zalog i obaveza današnjim, ali i budućim generacijama hrvatskih političara u BiH".

Očito je da Božo Ljubić nije raščistio sa prošlošću i da njegova inspiracija i danas leži u nečemo što je dovelo do rata na ovim prostorima. Najoštrije osuđujemo ovakve poruke, koje zasigurno ne vode povratku povjerenja među građanima niti vode ka prevazilaženju postojeće krize i brzom priključenju EU. Imati kao zalog, inspiraciju i obavezu tvorevinu čije kratko postojanje su obilježili koncentracioni logori, etničko čišćenje i ubijanje civila je jedinstven primjer u današnjoj Evropi, izgrađenoj na temeljima antifašizma i antifašističke borbe. Ovakva dešavanja pored ostalog izazivaju i opravdanu sumnju da su se koalicioni partneri HDZ, SDA i SBB prečutno dogovorili o podjeli Mostara po ratnoj liniji, a o čijoj će sudbini očito odlučivati neko drugi, na nekom drugom mjestu.

SDP BiH će i dalje snažno podržavati ideju jedinstvenog Mostara, grada svih njegovih stanovnika koji treba da imaju ista prava i mogućnosti i biti ozbiljna smetnja svim onima koji su spremni na podjele i sijanje netrpeljivosti i nepovjerenja među njegove građane.

Vlada ZDK je "kredit Vlada"

U sjedištu Odbora SDP-a ZDK u Zenici je održana konferencija za novinare gdje su predsjednik Senaid Begić i potpredsjednik Munib Husejnagić prokomentarisali kreditna zaduženja Vlade Zeničko-dobojskog kantona te Nacrt budžeta za 2017. godinu.

Na nedavnoj sjednici Skupštine Zeničko-dobojskog kantona jedna od tačaka dnevnog reda bio je i nacrt budžeta Zeničko-dobojskog kantona za narednu godinu, čime je planirano dodatno zaduženje od 30 miliona KM. Iz SDP-a su jasno poručili da nisu podržali ovaj prijedlog, jer bi kreditna zaduženja sa kamatama prelazila 80 miliona KM.

U vrijeme kada je Vladu ZDK vodio Munib Husejnagić (SDP), kreditna zaduženja u periodu 2010.-2014. godina iznosila su 10.655.000 KM, dok je aktuelna Vlada koju vodi Miralem Galijašević (SDA) do sada ostvarila kreditno zaduženje od 36.870.000 KM sa oko sedam miliona KM kamata.

"Simptomatično je da će većinu mandata ove Vlade obilježiti određeni grace periodi, zbog čega će većinu ovih kredita vraćati djelimično ova vlada i naredne koje budu dolazile", izjavio je Begić.

On je istaknuo da je plan zaduženja Nacrtom budžeta ZDK za 2017. godinu od 30 miliona KM kap koja je prelila čašu.

"Vlada ZDK je vlada na kredit. Lako se brinuti i o obrazovanju školstvu i policiji što je obaveza Vlade ZDK sa ovakvim kreditima", dodao je Begić.

Husejnagić je istakao da je za vrijeme njegovog mandata Kanton pretrpio štetu od poplava te demonstracije, ali da nisu dobili podršku za zaduženja uz objašnjenje da ne treba ostavljati takvu obavezu Kantonu.

Iz Kantonalnog odbora SDP-a su istakli kako je vrijeme da se neko pozabavi finansijama u Zeničko-dobojskom kantonu.

Sarajevo

Općina Stari Grad će pomoći djeci koja boluju od raka

Dopredsjedavajući Općinskog vijeća Stari Grad Sarajevo, Irfan Čengić posjetio je roditeljsku kuću za djecu oboljelu od karcinoma, koja je projekat Udruženja građana "Srce za djecu koja boluju od raka". Ova Roditeljska kuća otvorena je ranije ove godine, te se trenutno razgovara o modelima finansiranja kuće kako bi mogla služiti svojoj namjeni u narednim godinama.

Općina Stari Grad je predvidila finansijska sredstva u budžetu za 2017. godinu koja će pomoći ovom udruženju za redovan rad Roditeljske kuće u kojoj su smješteni roditelji čija se djeca nalaze na liječenju u Sarajevu oboljela od karcinoma.

"Mnogi političari su se fotografirali na otvaranju roditeljske kuće za djecu oboljelu od raka. Sada je potrebna pomoć za redovan rad te kuće, a za naredne tri godine potrebno je onoliko sredstava koliko je potrošeno za trotoar ispred Predsjedništva. Općina Stari Grad Sarajevo će u svom budžetu predviditi sredstva za rad ove kuće, očekujem da će to isto uraditi i druge općine, kantoni i viši nivoi vlasti, jer manje boli kada su roditelji blizu." istaknuo je Čengić.

Donji Vakuf

SDP ostaje opozicija u Općinskom vijeću



U Donjem Vakufu održana je konstituirajuća sjednica novog saziva Općinskog vijeća, a sjednici su prisustvovali i izabrani vijećnici SDP-a Admir Poturović, Mustafa Verem, Mehina Omeragić, Amer Čolak i Jasmina Hadžiavdić.

Na prethodno održanom sastanku Kluba vijećnika uvojen je jedinstven stav da SDP u novom sazivu Vijeća djeluje kao opoziciona partija, te da neće predlagati svoje kandidate za bilo koju funkciju ili komisiju u Vijeću, kao ni na bilo koji način direktno učestvovati u izvršnom dijelu vlasti.

Ovakvim stavom SDP je zbungio ostale političke subjekte, budući da je godinama praksa bila da se funkcije „dijele“ prema procentu dobijenih glasova.

U rukovostu donjovakufskog SDP-a smatraju takvo djelovanje pogrešnim i kontraproduktivnim, jer se kadrovi kasnije dovode u vezu sa krvim odlukama, iako su uglavnom bivali nadglasani u komisijama ili opstruirani na izvršnim funkcijama u javnom životu Općine.

Stoga će Klub vijećnika SDP-a svoje djelovanje u potpunosti usmjeriti ka radu u Vijeću, trudeći se da amandmanski djeluje na prijedloge vladajuće koalicije, te da pokreće inicijative za projekte i rješenja koja su bila ponuđena u izbornom programu. Također, Klub vijećnika SDP-a nastojat će da sve njegove odluke budu potpuno transparentne i pokušat će da u stalnom dijalogu s građanima maksimalno unaprijedi svoj rad.



Bihać

SBB nema pravo držati moralne pridike

Gradska organizacija SDP Bihać u svom saopštenju je uputila odgovor organizaciji Saveza za bolju budućnost, povodom neosnovanih optužbi.

„U svom saopštenju, povodom netom održane 2. sjednice Gradskog vijeća Bihać, iznijeli ste niz neistina kojima pokušavate obmanuti javnost Bihaća. Svojim diskusijama i stavovima prilikom izbora radnih tijela (komisija) Gradskog vijeća, pokazali ste jasno i nedvosmisleno da imate dvije logike i dvije matematike o jednom te istom pitanju, samo ovisno od toga, jeste li vlast ili ste opozicija. Kada ste bili dio vlasti onda je raspodjela u komisijama bila u skladu sa Statutom, a sada kada ste opozicija, ista takva podjela navodno, nije u skladu sa Statutom Grada Bihaća.

Nakon što ste shvatili da Vašoj stranci neće pripasti broj članova u komisijama, kako ste svojom matematikom i logikom zamislili da bi ste ih se mogli "dograbiti", odlučili ste da iznesete "duše-bržan" prijedlog odluke koji se, ni po Statutu niti po Poslovniku o radu Gradskog vijeća ne može usvojiti, pokazujući time samo lažnu brigu za naše đake – putnike i svoje vlastito neznanje. Nemogućnost donošenja takve odluke potvrđena je uostalom i tumačenjem sekretara Vijeća. Više je nego jasno da ovakvim nastupima želite skrenuti pažnju sa nespornih činjenica da ste sa SDA-om, čiji ste polički satelit, ostavili ovaj

Grad u dubiozi od 50 miliona KM, među kojima je dug prevoznicima đaka od preko 80.000 KM, da ste Dženanu Musi kupili stan koji niste platili ni marke, da ste kupili tri luksuzna auta na kredit za koja niste uplatili ni jednu ratu, da je dug prema Poreskoj upravi više od 600.000 KM, zbog čega je blokirana cijekupna pokretna imovina Grada... Poznato je da SDP (kao ni druge stranke koje čine većinu u Gradskom vijeću) niti je imao namjeru, niti će biti za odluku kojom bi se đacima-putnicima (koji nemaju materijalne mogućnosti da plaćaju karte), uskratio besplatan prevoz. Svima je jasno da ste, daljnji besplatan prevoz đaka, ugrozili upravo Vi, sa Vašim političkim partnerom SDA, svojim neodgovornim i nezakonitim rasipništvom u vođenju Grada. Mi ćemo uvodenjem racionalnije organizacije prevoza, osigurati da se taj prevoz ne ukida i da i dalje bude besplata upravo zbog te djece!

Ovim putem Vam poručujemo, da građani Bihaća očekuju od svih vijećnika, pa i Vas bez obzira što ste opozicija, političko djelovanje usmjereni na uređenju i izgradnji grada Bihaća u kojem ćemo svi, a naročito djeca ovog grada, bolje i sretnije živjeti. Za to će nesporno trebati dosta snage i hrabrosti, iskrenog žrtvovanja i političke mudrosti i tu gospodo, mjesta za politikanstvo jednostavno – nema“, navodi se u saopštenju.



Tuzla

Mogućnosti unapređenja ekonomske saradnje između Grada Tuzla i Republike Turske

Gradonačelnik Tuzle Jasmin Imamović i Ambasador Republike Turske u BiH Nj.E. Haldun Koç sa saradnicima, sastali su se u Gradskoj upravi, a tokom sastanka razgovarali su o mogućnostima unapređenja ekonomske saradnje između Grada Tuzla i Republike Turske, sa ciljem smanjenja broja nezaposlenih.

„Obradovani smo posjetom visokoga gosta, Nj.E. Ambasadora prijateljske Republike Turske u BiH Halduna Koča. Ja sam prvo izrazio zahvalnost za podršku koju prijateljska Turska daje BiH. Velika podrška razvoju ekonomije BiH, posebno davanje privilegija za robu iz BiH, kada se iz BiH izvozi u Tursku, što je pojačalo izvoz mesa u Tursku iz BiH. Onda to zahtjeva i razvoj stočarstva, mesne industrije, proizvodnje silažnoga žita, dakle pokrenut je zahvaljujući podršci Republike Turske BiH čitav jedan lanac. Počeli su i kargo letovi sa tuzlanskog aerodroma, zavrtio se točak razvoja. I naravno da smo razgovarali o nekim projektima, koji su vezani direktno za Tuzlu, a čije je dogovaranje i realizacija u toku“, izjavio je gradonačelnik Imamović nakon sastanka.

Između ostalog istaknuto je da se pored ekonomske, posebna pažnja treba posvetiti saradnji BiH i Republike Turske na polju razvoja i očuvanja kulture i kulturno istorijskog naslijeđa.

Zenica

Nepravilnosti u opremi za mjerjenje kvaliteta zraka

Prije nekoliko godina u Zenici je instalirana oprema za mjerjenje kvaliteta zraka. Grad je zajedno sa Fondom za zaštitu okoliša nabavio opremu od firme „Dvokut“ u vrijednosti 1,5 miliona KM.

Prema Ugovoru oprema je nakon dvogodišnjeg rada trebala biti predata Metalurškom institutu „Kemal Kapetanović“. Mjerna oprema nikada nije predata na upravljanje Institutu.

Utvrđeni su brojni propusti, nekompletnost opreme, nepouzdanost izmjerene vrijednosti izazvanih neprovodenjem obavezujuće kalibracije. Sve su to bile ugovorne obaveze firme „Dvokut“. Služba za komunalne poslove i ekologiju Grada Zenice je zajedno sa Komisijom za praćenje stanja okoliša imala priliku po osnovu klauzule iz ugovora blagovremeno povući dio deponovanih sredstava za neizvršene obaveze.

Sankcionisanje firme „Dvokut“, finansijsko, objava o nesolidnosti realizacije ugovora, te stavljanja iste na crnu listu nikada nije provedeno.

Vrsni stručnjak po pitanju kvaliteta vazduha, član komisije za praćenje stanja okoliša, je uvidjevši što se radi napustio rad komisije. Gradskoj upravi sve ovo nije nimalo smetalo da sa firmom „Dvokut“ nakon ovoga sklopi ugovor o isporuci semafora za stadion na Bilinom polju.

Svojim radom Služba za komunalne poslove i ekologiju Grada Zenice je sa Komisijom za praćenje stanja okoliša derogirala nastojanje Metalurškog instituta „Kemal Kapetanović“ da uspostavi centar za praćenje stanja kvaliteta vazduha. Komisija za praćenje stanja okoliša u okvirnom sastavu je još uvijek angažovana. Oprema koja je trebala da mjeri kvalitet zraka je pokvare-

na, trenutno se ne mjeri sadržaj sumpordioksida (SO₂) u zraku.

Kako očekivati od nadležnih, koji su morali i trebali zadnjih deset godina, da riješe i uopšte da rade na smanjenju zagađenosti kad nisu bili u stanju za protekle godine omogućiti rezultate, odnosno pokazatelje evidentne zagađenosti.

SDP će insistirati na sveobuhvatnom izještaju o utrošenim sredstvima. Za evidentiranje nepravilnosti i nezakonitosti od počinitelja tražiti materijalnu i krivičnu odgovornost. SDP će od gradonačelnika, vijeća i svih nadležnih tražiti stav po pitanju daljeg angažovanja članova Komisije za praćenje stanja okoliša, koji su evidentno radili na štetu grada.



Sretnu i uspješnu
Novu **2017.** godinu



Želi Vam
Socijaldemokratska partija
Bosne i Hercegovine

sdp.ba



Makedonija

Tijesan poraz makedonskih socijaldemokrata



Prema izbornim rezultatima, vladajuća stranka VMRO-DPMNE je osvojila 38,06, a opozicioni Socijaldemokratski savez Makedonije 36,69 posto glasova. Raspored mesta u makedonskom Sobranju dobio je izgled: najviše zastupnika imat će VMRO-DPMNE - 51, a slijedi SDSM

- 49 mandata.

Najjača albanska stranka u parlamentu bit će DUI Ali Ahmetija sa deset zastupničkih mesta, a slijede je Pokret Besa sa pet mesta i Alijanša za Albance sa tri i DPA sa dva zastupnička mesta.



Hrvatska

Davor Bernardić predsjednik SDP-a

U drugom krugu izbora za predsjednika SDP-a Hrvatske pobijedio je Davor Bernardić i time postao treći predsjednik Socijaldemokratske partije Hrvatske.

Davor Bernardić dobio je 64,54 posto glasova, a Ranko Ostojić 35,46 posto.

Novoizabrani predsjednik SDP-a Davor Bernardić zahvalio se svim članicama i članovima te dosadašnjem predsjedniku stranke Zoranu Milanoviću na svemu što je napravio za SDP i

demokratskom iskoraku napravljenom u vrijeme vlade SDP-a.

"Hvala ljudima koji su me podržavali svih ovih godina u vremenima kad je bilo najteže. Hvala vam, drugarice i drugovi moji, od srca! SDP je pokazao da se može mijenjati u ključnim trenucima za Hrvatsku i od sutra krećemo graditi dobro društvo, društvo jednakih mogućnosti, u kojem svako može dati svoj doprinos", rekao je Bernardić.



Rumunija

Ljevičarska PSD pobjednica parlamentarnih izbora

Rumunska ljevičarska Socijaldemokratska partija (PSD) pobjedila je na parlamentarnim izborima, koji su održani u toj zemlji, osvojivši više od 45 posto glasova, pokazuju dvije izlazne ankete.

Prema rezultatima anketa, PSD je osvojila između 45,5 i 45,8 posto glasova.

Za njom slijedi stranka desnog centra Nacionalna liberalna partija (PNL) koja je osvojila između 20,7 i 21 posto glasova, pokazuju ankete koje su proveli KURS-Avangarde i IRES.

Unija Spasite Rumuniju osvojila je između 8 i 9,2 posto glasova.

Na izborima je pravo glasa imalo više od 18 miliona građana.

Održana 14. Konvencija SDP Hrvatske





Forum žena

Održana tematska konferencija Forum-a žena SDP BiH

U Sarajevu je održana tematska konferencija Forum-a žena SDP BiH na temu Naučene lekcije unutrašnje demokratizacije, rodna perspektiva i naredni koraci koja se realizovala uz podršku partnerskih organizacija.

Konferenciju su otvorili predsjednica Forum-a žena SDP Nermina Zaimović-Uzunović i politički direktor SDP BiH Damir Mašić.

Konferenciji je prisustvovalo više od 50 učesnica, koje su tokom predavanja, diskusija i radionica, dale svoj doprinos održavanju konferencije i zaključcima koji su uslijedili po završetku konferencije.

Pregled unutrašnje demokratizacije SDP BiH je bila jedna od tema, koja je prezentovana u dva dijela. Prvi dio je bila prezentacija procesa izmijene partijskih dokumenata: Statuta i Programa

SDP BiH i perspektiva rodne ravnopravnosti, koju je prezentovala Besima Borić. Druga tema bila je Proces i rezultati unutarstranačkih izbora i rodna zastupljenost, koju je izložila Irena Ljubičić-Lukić.

Drugi dio konferencije bio je posvećen analizi rezultata Lokalnih izbora 2016. godine sa stanovišta rodne ravnopravnosti, koju je prezentovala potpredsjednica FOŽ SDP BiH Marina Mujkanović.

Na kraju konferencije održane su radionice na teme položaja Forum-a žena i njegovom unaprijeđenju, zagovaranju politika rodne ravnopravnosti, osiguranju gender mainstreaminga, i edukacijama koje su potrebne ženama za veću političku participaciju.



Više od 80.000 mladih, većinom obrazovanih ljudi, u ovoj godini je napustilo BiH. Socijaldemokratska partija BiH (SDP BiH) i Forum mladih SDP BiH pridružili su se akciji Partije evropskih socijalista (PES) „Evropski plan za mlade“, koja za cilj ima promociju zapošljavanja mladih ljudi širom Evrope.

„Evropski plan za mlade“ je realizovan u preko 30 zemalja Evrope. Mladi u Sarajevu su poslali jasnu poruku sa kojim se problemima susreću u BiH, ali i u Evropi.

Ovaj plan se zasniva na mobilnosti mladih u obrazovanju, novim radnim mjestima, kulturi... Istaknuto je da je najveći problem sa kojim se BiH suočava jeste „odliv mozgova“, jer mladi idu van BiH u potrazi za poslom i obrazovanjem, i ne

Forum mladih

Pozivamo gradonačelnika Fuada Kasumovića da mu mladi u Zenici budu prioritet

Na sjednici Izvršnog odbora GO FOM SDP Zenica razmatran je rezultat mladih koji su bili na listi SDP Zenica na protekli lokalnim izborima, te trenutni položaj mladih u cijeloj BiH, sa posebnim osvrtom u našem gradu.

Predsjednik GO FOM SDP Zenica Dino Ćatović je detaljno izvjestio Izvršni odbor o rezultatima koji su mladi postigli na proteklim lokalnim izborima, koju su ocijenjeni kao zadovoljavajući, s obzirom da se većina kandidata prvi put nalazila na listi.

Naglašeno je da se traži od gradonačelnika Fuada Kasumovića da mu mladi u Zenici moraju biti prioritet, te da se što prije kreće sa stvaranjem boljih prilika za mlade kako bi njihova perspektiva bila u našem gradu, a ne u zapadnim državama. Preko vijećnika SDP Zenica zalagat će se za realizaciju „Izbornog programa za mlade 2016-2020“, gdje posebno ističu otvaranje poduzetničkog centra, poticaje za zapošljavanje i samozapošljavanje mladih, fond za zapošljavanje i samozapošljavanje mladih, osnivanje i revitalizacija zemljoradničkih zadruga, formiranje studentskog servisa, te organizacija univerzijada i studenstkih festivala.

„FOM SDP Zenica neće odustati od borbe za Dom mladih, jer je to minimum koji zaslužuju mladi Zenice. Jasno je da će tražiti da se budžetom za predstojeću godinu osiguraju prepostavke za izgradnju ili adaptaciju neiskorištenih objekata i održavanje istog. Pozivamo gradonačelnika, koji je dobio glasove i od mladih ljudi da iste ne iznevjeri kao što su to u prošlom sazivu uradili vijećnici SDA“, navodi se.

Spremni da svojim angažmanom doprinesu boljem položaju mladih u našem društvu, te ohrabreni rezultatom mladih vijećnika sa SDP-ove liste, FOM SDP Zenica poziva mlade u Zenici da im se pridruže u ovoj borbi jer su na istoj strani.

Forum mladih

Predstavljen projekat "Evropski plan za mlade"

„Evropski plan za mlade“ je realizovan u preko 30 zemalja Evrope. Mladi u Sarajevu su poslali jasnu poruku sa kojim se problemima susreću u BiH, ali i u Evropi.

vraćaju se, što je veliki problem za državu. Više od 80.000 mladih, većinom obrazovanih ljudi, u ovoj godini je napustilo BiH.

„Ovo su poražavajuće činjenice, i zato želimo da ustrajemo u našim zahtjevima kao što je naša javna politika „Radno iskustvo svima“ i da time učinimo prvi korak zapošljavanja i zadržavanja mladih ljudi u BiH. Upravo ovakvi i slični projekti imaju za cilj da informišu i ukažu na glavne probleme sa kojim se susreću mladi u našoj državi.

Aktivisti i aktivistkinje SDP BiH su približili građanima koncept Evropskog plana za mlade, i još jednom pokazali svoju posvećenost usvajaju evropskih vrijednosti i promovisanju socijalne pravde“, navode iz Forum-a mladih.





Forum seniora

Nema penzionate reforme bez iskrene političke volje

Bez iskrene političke volje stranaka koje čine parlamentarnu većinu u vlasti i konsenzusa sa Udruženjem poslodavaca, udruženjima penzionera i sindikata, nema reforme penzionog sistema, niti boljeg položaja sadašnjih i budućih penzionera, poruka je Okruglog stola održanog u organizaciji Foruma seniora/ki SDP BiH i uz podršku Foruma lijeve inicijative, na temu „Penziona politika za sve nas.“

Naime, podaci Federalnog zavoda za zapošljavanje navode da je od ukupno 389.865 nezaposlenih, u prošlom mjesecu posao tražilo 373.657 građana, od čega 160.988 iz populacije mladih. Podaci govore da aktuelna federalna Vlada, ne samo da ne nudi skoro nikakve šanse za zapos-

lenje, nego je pod uticajem neoliberalnog koncepta razvoja tržišta rada i zapošljavanja, potpuno prepustila poslodavcima vođenje ove politike. Tako je federalna Vlada pokazala i svoju nesposobnost za usklađivanje radnopravne i penzionate politike i nesposobnost za upravljanje reformskim procesima u Federaciji BiH, što je posljedica nepostojanja općeg konsenzusa svih sudionika reformskih procesa.

Održavanje ovakvog stanja ne može doprinjeti boljoj iskoristenosti raspoloživih materijalnih i kadrovskih potencijala, većoj zaposlenosti, posebno mladih, boljim penzijama i većoj socijalnoj koheziji i razvoju društva u cijelini.

Forum mladih

Mladi iz SDP-a, Naše stranke i DF-a razgovarali o saradnji

U prostorijama SDP BiH održan je sastanak predstavnika/ca Forumu mladih SDP BiH, Forumu mladih Naše stranke i Odbora za pitanja mladih Demokratske fronte.

Povod za sastanak je bilo informisanje o aktivnostima mladih, njihovoj uključenosti u rad i aktivnosti izabranih predstavnika/ca, sa fokusom na općinski, kantonalni i državni nivo vlasti.

Na sastanku je naglašena potreba saradnje u oblasti položaja mladih, pristupa mladih javnim službama, obrazovanju, zdravstvu i zapošljavanju.

Svi učesnici ocijenili su pozitivnim upoznavanje predstavnika omladinskih ogranka, te je naglašena potreba proširenja mreže saradnje, povezivanja sa civilnim društvom, ali i saradnji u postojećim oblicima djelovanja i programa saradnje omladinskih organizacija.

Ocijenjeno je nužnim da se u sve tri političke stranke nastavi raditi na fokusiranim projektima koji će osigurati nove prilike za mlade, veća izdvajanja za obrazovanje i zapošljavanje mladih, te su svi saglasni da isto treba postaviti i u središte pažnje rada izabranih predstavnika/ca SDP BiH, NS-a i DF-a u budućnosti.



Forum mladih

Potpisana saradnja između Forumu mladih SDP BiH i SDP Hrvatske

Nedavno je upriličena posjeta Forumu mladih SDP BiH Zagrebu, gdje su potpisani sporazumi o saradnji između Forumu mladih SDP Hrvatske i Forumu mladih SDP BiH, te Gradske organizacije FM SDP Zagreb i KO FOM SDP BiH Sarajevo. Ispred organizacija sporazume su potpisali predsjednik FM SDP Hrvatske Nenad Livun, predsjednik FOM SDP BiH Damir Filipović, predsjednik SDP Zagreb Matej Mišić i predsjednik KO FOM SDP BiH Sarajevo Adnan Sobo.

Ovi sporazumi, formaliziraju i nadograđuju postojeću saradnju između podmladaka

političkih partija, koja postoji već duži niz godina. Ovim sporazumom, saradnja se fokusira na poljima učvršćivanja međusobne saradnje i izvještavanja o zajedničkim aktivnostima; podršci između organizacija za vrijeme održavanja predizborne kampanje u vidu radnih posjeta i učešća u kampanji; saradnje u oblasti političke edukacije mladih političara i političarki, te zajedničkom djelovanju na očuvanju antifašističkih vrijednosti. Smatrajući da prijateljstvo nema rok trajanja, ovaj sporazum je potписан bez vremenskog ograničenja.

Forumaši i forumašice koji su bili u posjeti, pored protokolarnog dijela oko potpisivanja saradnje, imali su priliku obići Zagreb i uživati u prazničnoj atmosferi koja vlada u ovo doba godine.

Širenje prijateljstva, upoznavanje i druženje sa drugaricama i drugovima sa političkim podmlaćima lijeve orientacije, trajna je misija FOM SDP BiH i KO FOM SDP Sarajevo. Organizacije FOM SDP BiH i KO FOM SDP Sarajevo, nastaviće sa očuvanjem postojećeg i sticanjem novih prijateljstava sa političkim podmlaćima u regionu, radi lakše implementacije zajedničkih ciljeva.





Fadil Banjanović (1962-2011)

Fadil Banjanović je rođen u Kozluku 1962. godine, a smatra se pionicom povratka u istočnu BiH i Podrinje. Poznata je njegova povratnička parola "Vraćamo se pod šljivu ako treba". Bio je član Predsjedništva, Glavnog odbora Socijaldemokratske partije BiH i predsjednik Regionalnog odbora SDP-a Zvornik. Bio je i delegat u Vijeću naroda Republike Srpske, dok je obavljao i funkciju pomoćnika ministra za obnovu, razvoj i povratak u Vladi Tuzlanskog kantona. Zbog svoje humanosti više puta je nagrađivan, a najdraža nagrada mu je bila titula počasnog građanina Kozluka. Bio je poštovana politička ličnost u cijeloj državi.



Jure Galić (1921 - 2016)

Nekadašnji dugogodišnji predsjednik SABNOR-a u BiH. Rođen je 20. septembar 1921. godine u Bijači kraj Ljubuškog. U Drugom svjetskom ratu je bio pripadnik Biokovskog partizanskog odreda od njegovog osnivanja 1942. godine. Nositelj je Partizanske spomenice, dobitnik Nagrade ZAVNOBiH-a, jugoslovenske književne nagrade „4. juli“, kao i brojnih ratnih i mirnodopskih odlikovanja.



Vinko Križan (1956 - 2016)

Bio je dugogodišnji član SDP BiH i dugogodišnji zamjenik direktora Poreske uprave Federacije BiH.



Suada Hadžović

Solidarnost, privilegije i nepravda, ne idu zajedno

Federalna Vlada i parlamentarna većina, bez obzira na podršku vlasnika stranog kapitala, nisu pokazale sposobnost da reformom tržišta rada i „papirnatim“ programima konsolidacije Fonda PIO/MIO, povećaju broj zaposlenih, redovnu uplatu doprinosa i izmirenje kumuliranih dugovanja, te tako osiguraju finansijsku održivost, smanje rizik od pada u siromaštvo i povećaju povjerenje u penzioni sistem.

Nekoć usvojeni Prijedlog zakona o penzijskom i invalidskom osiguranju u Predstavničkom domu, a čije se usvajanje očekuje i u Domu naroda federalnog Parlamenta (ukoliko se raskol parlamentarne većine sa državnog nivoa ne prenese na federalni nivo vlasti), zasniva se na međusobno suprotstavljenim vrijednostima koji su i doveli do poremećaja funkcionisanja sistema međugeneracijske solidarnosti, dugoročne finansijske neodrživosti Fonda PIO/MIO i rizika od siromaštva.

Nakon ovog „reformskog“ događaja, uslijedile su izjave za medije premijera federalne Vlade Fadila Novalića, resornog ministra i predstavnika parlamentarne većine, kojima ubjeđuju građane Federacije da im usvojeni novi zakon donosi „blagostanje“, prešućujući pri tome neprovodenje cijelovitih strateških opredjeljenja reforme, preporuka Međunarodne organizacije rada i Svjetske banke u procesu praćenja reformskih koraka, preporuka UN Komiteta za ekonomski, socijalni i kulturni prava, Evropskog suda za ljudska prava i institucije Ombudsmena BiH, vezanih sa zaštitom ljudskih prava u ovoj oblasti, Federalnog ureda za reviziju u vezi sa rješavanjem problema prinudne naplate kumuliranih neuplaćenih doprinosova, kao i preporuka IBHI-ja u vezi sa sprječavanjem rasta siromaštva.

Naime, izuzev zamjene „sistema koeficijenata“ sistemom „bodovanja“ i preuzimanja (formalne) garancije za namirenje nedostajućih sredstava za isplatu penzija, Prijedlog zakona je u suštini zadržao staru politiku usmjeravanja sredstava doprinosa iz tekućeg rada za namjene koje nisu pokrivene sistemom međugeneracijske solidarnosti ili koje je država dužna pokrивati iz budžeta, prema preuzetim obavezama iz međunarodnih konvencija.

Zakonom se, u načelu, uređuju prava i obaveze po osnovu međugeneracijske solidarnosti iz obaveznog osiguranja, kako bi se osiguranicima i njihovim porodicama osigurao dohodak u slučaju invalidnosti, a posebno nakon razdoblja zaposlenosti ili u slučaju smrti hranitelja, ali je u sistemu PIO/MIO, zadržano finansiranje penzija ostvarenih po posebnim propisima (privilegovane penzije-pod povoljnim uslovima), ostvarenim po drugaćijim i povoljnijim parametrima od penzija ostvarenih prema dužini penzijskog staža, kao i finansiranje posebnog staža osiguranja i finansiranje tzv. socijalnih penzija, što je isključiva obaveza države.

Tako se i nadalje nastavlja sa narušavanjem sistema generacijske solidarnosti na račun onih koji su za života izdvajali doprinose da bi imali adekvatan dohodak za izdržavanje nakon prestanka rada i u starosti, što će budući penzioneri itekako osjetiti.

Nadalje, Prijedlogom zakona nije otklonjena nepravda prema aktuelnim penzionerima kojima je, suprotno propisanim parametrima, određivana osnovica i iznos penzije nakon 2000. godine, niti je otklonjen uzrok dugogoo

dišnjih međuentitetskih sudskih sporova i potencijalna opasnost od definativnog finansijskog kolapsa Fonda PIO/MIO. Takvom politikom, održavanja privilegija i nepravde u penzionom sistemu osiguranja, ne mogu se ostvariti ciljevi reforme utvrđeni usvojenom Strategijom reforme.

Ako se tome doda činjenica da je sistem penzijskog i invalidskog osiguranja u FBiH, zbog visokog procenta nezaposlenosti, nedovoljnog obuhvata osiguranika i finansijske nediscipline obveznika uplate doprinosova, opterećen povećanjem broja penzionera i neadekvatnim penzijama za pokriće osnovnih životnih potreba i da su sve veće razlike u starijoj populaciji, sasvim je jasno da aktuelna federalna Vlada i parlamentarna većina nisu imali istinsku političku volju i spremnost na suočavanje sa navedenim problemima i na provođenje radikalne reforme koja je u ovoj oblasti neophodna.

Prema podacima Fonda PIO/MIO za decembar 2014. godine, u FBiH je bilo 443.587 osiguranika, a 394.900 penzionera, što znači pokrivenost od 1,15:1. Struktura penzionera u FBiH, prema podacima Fonda PIO za april 2016. godine, pokazuje da je, u odnosu na decembar 2014. godine, broj penzionera porastao na 401.756, što znači za više od 6.000, a da istovremeno nije došlo do promjene pokrivenosti brojem osiguranika.

Najviše je starosnih penzija sa prosječnom penzijom od 412,75 KM, zatim invalidskih sa prosječnom invalidskom penzijom od 326,80 KM i porodičnih penzija sa prosječnom penzijom od 325,78 KM.

Ako se uzme u obzir da je, prema podacima IBHI-ja apsolutna linija siromaštva za BiH u 2011. godini iznosila 238,11 KM, a prag siromaštva na nivou FBiH 443,60 KM mjesечно za jednočlano odraslo domaćinstvo, onda je sasvim jasno da većina penzionera živi na pragu ili ispod linije siromaštva.

Dakle, federalna Vlada i parlamentarna većina, bez obzira na podršku vlasnika stranog kapitala, nisu pokazale sposobnost da reformom tržišta rada i „papirnatim“ programima konsolidacije Fonda PIO/MIO, povećaju broj zaposlenih, redovnu uplatu doprinosova i izmirenje kumuliranih dugovanja, te tako osiguraju finansijsku održivost, smanje rizik od pada u siromaštvo i povećaju povjerenje u penzioni sistem.

Desetine saopćenja za javnost, primjedbe na Nacrt zakona, a posebno 77 amandmana na Prijedlog zakona, kojima je Forum seniora/ki SDP BiH samostalno ili putem klubova zastupnika SDP BiH u oba doma Parlamenta Federacije, ukazivao na neprihvatljivost predložene penzione politike, nisu naišli na pozitivne reakcije federalne Vlade i parlamentarne većine.

Smatramo da solidarnost, privilegije i nepravda, ne idu zajedno, te će stoga Forum seniora/ki, na liniji političkog programa SDP BiH i na principima jednakosti, pravde i solidarnosti, pripremiti penzionu politiku „Za sve nas“.



Aplikaciju je potrebno popuniti čitko, štampanim slovima. Sa * su označena polja koja je potrebno obavezno popuniti.

PRISTUPNICA

1. LIČNI PODACI	
Prezime*	
Ime*	
Pol*	
Datum rođenja*	
JMBG	
Broj lične karte	
Nacionalnost*	
Državljanstvo	
Bračni status	
2. PODACI O PREBIVALIŠTU	
Ulica i broj*	
Poštanski broj i mjes	
Mjesna zajednica*	
Država*	
3. KONTAKT PODACI	
Broj telefona*	
e-mail adresa	
4. PODACI O ČLANSTVU NA DRUŠTVENIM MREŽAMA	
Ime na Facebooku	
Ime na Twitteru	
5. PODACI O ZAPOSLENJU	
Status (zaposlen-a / nezaposlen-a / penzioner-ka / student-ica /	
Naziv poslodavca	
Zaposlen na mjestu	

6. PODACI O OBRAZOVANJU	
Stručna sprema*	
Zvanje / titula	
Zanimanje*	
Oblast zanimanja	
Poznavanje jezika	
7. RANIJI POLITIČKI ANGAŽMAN	
Naziv političke stranke u kojoj ste	
Pozicija u stranci	
Period članstva	
8. ČLANSTVO U INTERESnim OBLCICIMA ORGANIZOVANJA SDP	
<input type="checkbox"/> Forum mladih	
<input type="checkbox"/> Forum žena	
<input type="checkbox"/> Forum sindikalnih aktivista i aktivistica	
<input type="checkbox"/> Forum seniora / seniorki	

9. VODOVI ANGAŽMANA ZA KOJE STE ZAINTERESOVANI	
<input type="checkbox"/>	djelovanje u zakonodavnoj vlasti
<input type="checkbox"/>	djelovanje u izvršnoj vlasti
<input type="checkbox"/>	razvoj i organizaciono jačanje SDP BiH
<input type="checkbox"/>	profiliranje politike i stavova SDP BiH u oblasti (upisati)
<input type="checkbox"/>	drugo (upisati)

Mjesto i datum

Potpis člana / članice

sloboda, jednakost, solidarnost



IMPRESSUM

UREDNIČKI KOLEGIJ: Vedad Hajdarević, Malik Garibija, Denis Vrhovčić, Vesna Bukvić, Adnan Sobo

DTP: Adi Kasumović

Fotografije: Nino Maričić

E-mail: informisanje@sdp.ba